



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres

En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

A 940,753



848

Q7

H4

the 1990s, the incidence of *S. flexneri* has increased in the United Kingdom [10]. In the United States, *S. flexneri* has been reported to be the most common serotype of *S. flexneri* isolated from children with acute colitis [11].

There is a paucity of data on the epidemiology of *S. flexneri* in the United Kingdom. In the 1980s, *S. flexneri* was the most commonly isolated serotype of *S. flexneri* from patients with acute colitis in the United Kingdom [12]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [13]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [14].

In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [15]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [16]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [17].

In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [18]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [19]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [20].

In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [21]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [22]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [23].

In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [24]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [25]. In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [26].

In the 1990s, *S. flexneri* was the most commonly isolated serotype of *S. flexneri* from patients with acute colitis in the United Kingdom [27].

1

LES
QUINZE JOYES DE MARIAGE

TEXTE DE L'ÉDITION PRINCEPS

DU XV^E SIÈCLE

PREMIÈRE RÉIMPRESSION

PAR

FERDINAND HEUCKENKAMP



HALLE 1901

MAX NIEMEYER

ÉDITEUR



848
Q7
H6

Romance Lang.
Droz
8-21-22
26279



Le texte que nous présentons ici est la réimpression exacte de la première édition des *Quinze joyes de mariage*. Cette édition princeps dont nous ne connaissons que l'exemplaire unique de la Bibliothèque Nationale de Paris, coté actuellement Y² 150, a été décrite par G. Brunet dans son *Manuel* Tome IV, page 1030. Elle appartient au XV^e siècle et peut-être est-elle un des premiers livres imprimés en caractères mobiles.

L'exécution en est encore très imparfaite. Les erreurs de typographie sont assez nombreuses, de sorte que nous nous sommes cru obligé d'en corriger au moins les plus évidentes, celles qu'un correcteur médiocrement consciencieux eût rectifiées.

Voici en quoi nous nous sommes écarté du texte: chaque fois que nous avons trouvé une lettre renversée, ce qui arrive très souvent pour les lettres u et n, nous avons corrigé cette faute. Nous avons été obligé de rendre les abréviations en reproduisant dans leur entier les mots ou les syllabes qu'elles figuraient. Enfin nous avons corrigé les fautes suivantes:

Page 3 ligne 18 nous lisons ta pour la

" 11	" 17	" "	le playfir pour de playfir
" 14	" 21	" "	tant pour iant
" 7	" 14	" "	largement pour lagement
" 14	" 9	" "	et pour et et

2cm

Page 16 ligne 21 nous lisons fe pour ee (=ce)

”	19	”	27	”	”	comment pour commeët
”	27	”	21	”	”	suspec pour suepec
”	29	”	4	”	”	poure pour puure
”	34	”	30	”	”	tafte pour tafre
”	36	”	32	”	”	de pour de de
”	38	”	23	”	”	vrayement pour varye-
”	55	”	2	”	”	puift pour puilt [ment
”	57	”	23	”	”	ne pour n
”	60	”	13	”	”	les pour fes
”	63	”	14	”	”	qui pour qui qui
”	70	”	13	”	”	bien pour bten
”	70	”	29	”	”	marier pour mareir
”	74	”	24	”	”	dire pour dire dire
”	68	”	28	”	”	eft pour fet
”	71	”	22	”	”	bans pour ans
”	80	”	25	”	”	telle pour felie.

En produisant ce texte encore inédit, nous espérons faciliter l'étude critique et scientifique du charmant petit livre si justement apprécié pour la malicieuse naïveté, la finesse aiguë de l'observation dissimulée sous un laisser-aller plein d'enjouement, une facilité sobre et naturelle qui contraste heureusement avec la lourde rhétorique ou la grossièreté licencieuse si souvent reprochées aux ouvrages de ce temps.

PARIS, Juin 1901.

F. HEUCKENKAMP.



Plusieurs ont trauaille a amonester par grans raisons et auctorites que cest plus grant sens de viure en terre a tout homme en franchise et liberte que de foy aseruir de sa volente sans contrainte A loppinion desquelz on pourroit dire que vng homme na bon sens qui es ioyes et delices de ce monde comme en ieunesse garnie de sa volente et de son propre mouuement sans necessite comme lentre dune estroicte chartre douloureuse plaine de larmes de gemiffemens et dangoiffes et se bouter dedens Et quant il est leans enclos on lui ferme la porte qui est de fer fermant a grosses barres et est si estroitement tenu que iamaif pour nulles prieres ne auoir nen pourroit faillir Et par especial doit on bien tenir celui fol et sans sens de foy estre ainfy emprisonne sil auoit oy par deuant plourer au dedens de la dure et aspre chartre les prisonniers qui leans estoient et pource nature humaine appete de sa liberte et franchise plusieurs grans seigneurs et seignourief se sont perdues pource que les seigneurs diceles voloient tollir franchise et liberte a leurs subgetz Et aussi semblablement plusieurs cites et villes et plusieurs autres menus peuples ont este destruis par defobeissance voulans trop grans franchises auoir pour laquelle plusieurs guerres ont este et grans occisions par ce que les nobles francoif par leurs grans et excellentes prouesses furent fais frans et

Et le docteur lui respont en ceste maniere Mon ami dist il naues vous peu trouuer vne autre fenestre pour vous laisser trebucher en vne grosse ryuiere pour vous mectre dedens la teste la premiere Celui difoit en oultre quil se debuoit exposer en maints perilz et en maintz dangiers deuant que perdre franchise Et moult durement se repentit larchidiacre de theroane qui pour entrer en mariage laissa le noble pelerinage et estat de clerc et se maria a vne femme vesue en laquelle selon ce quil racomptoit il demoura en seruage bien long temps en grant douleur et en grant tristesse Pour lesquelles choses foy repentant et foy desconfortant Et aussy voulant prouffiter aux succedans fit et composa vn beau traictie Et plusieurs autres ont trauaille et mis peine en maintes manieres pour monstrier la grant douleur et misere qui y est Et aucunes deuotes personnes pensans et aians deuocion a la benoicte vierge marie et considerant contemplatiuement les grans ioyes que elle pouoit auoir durant les misteres saincts qui furent en ladministracion de la natiuite de lascencion et des autres qui sont mis au nombre des quinze ioyes Auquel nom et pour loneur dicelles ioyes plusieurs bons catholicques ont fait et compose plusieurs belles et deuotes oraifons a loneur et a la louenge dicelle benoicte vierge marie Moy aussy pensant et considerant le fait de mariage ou ne fuf oncques par ce quil a pleu a dieu me mectre en autre seruage hors de franchise que ie ne puis recouurer Ay aduise que en mariage a quinze simonies selon ce que ien puis fauoir par veu et ouyr dire a ceux qui bien le sauoient Lesquelz ceulx qui sont maries

tiennent a ioies plaifances et felicites Et fi ne croient nulles autreſ ioyes eſtre pareilles a celles mais felon bon entendement celles quinze ioies de mariage ſont felon mon aduis et felon ce que ien puis congnoiſtre quinze les plus grant maleuretes qui ſoient au monde ne ſur la terre Eſquelles nules autres peines ſans ce quil y ait incifion ou greueure du corps ou de membres ne ſont pareilles a continuer Mais pourtant ie ne les blaſme pas de foi marier Et dy et veulx ſouſtenir quilz ſont bien Et la raiſon ſi eſt pour ce que nous ne ſommes en ce monde mais que pour faire penitences et ſouffrir afflictions et peines et pour mater la char afin que par ycelles peynes et afflictions on puiſſe acquerir paradis Et il me ſemble que vng homme ieune ne ſe pourroit iamais mettre en plus grandes ne expres penitences que de endurer et ſouſtenir les grandes peines et les grans tourmens qui cy apres ſont contenus et declares Mais il y a vne choſe qui me reconforte Car ceulx qui ſont maries prennent ycelles peines et tourmens pour ioyes et lieſces Et y ſont auſſi adures et acouſtumes comme vng aſne a porter ſomme Et ſemble quilz ſoient bien aife Et pour ce ceſt a doubter filz en auront nulles merites Et ainſi ceſtes peines et tourmens quil prennent pour ioyes conſiderant la repugnance qui eſt entree en leur entendement et lennuy de pluſieurs autres meſmes qui ſe deduyſent en regardant les autres noer en la naſſe ou ilz ſont ſi bien embarres a eſcrire les quinze ioyes de mariage a leur conſolacion en perdant ma peine mon encre et mon pappier au regart des autres qui ſont maries

qui pource ne laisserent pas de foy marier et mettre
en la nasse ne nest aussi bonne entencion mais aul-
cuns a laduanture sen pourroyent repentir quant il
nen feroit pas temps Et pour ycelle cause en ytelles
ioyes ilz demeurent et demourront toute leur vie
Et miserablement leurs ioyes finiront

Cy apres sensuit la premiere ioye de mariage





La premiere ioie si est quant le ieune homme est en sa belle ieunesse et adoncques quil est frais et tendre nait et plaissant et ne fesmaye de riens qui soit au monde mes que de tirer ses aguillettes faire balades dancer chanter et regarder lesquelles ont le plus beau nes et ne fait que aduifer ou il pourra trouuer ses iolyuetes selonc lestat dont il est Et ne fesmaye point dont vient le bien quil a car a laduanture il a pere ou mere ou autres parens qui lui baillent ce quil luy fault a maintenir ses iolyuetes Et combien que a celle heure il a aises et plaissances largement et habondamment touteffois il ne les peut endurer Mais regarde les autres maries qui sont en la nasse bien auant embarres qui sefbanoyent ce lui semble pource quilz ont la pasture aupres deulx dedens la nasse Cest assauoir la femme qui est belle et bien parée et bien habillee de telz habillemens que son mari nauoit pas tous paies Car on lui auoit fait acroire que son pere et sa mere les lui auoient donnees de leurs liurees Et tournye et tourne le ieune homme autour de la nasse Et fait tant que il aduient bien souuent que il senquiert petitement des besongnes Et puis si boute tel feur tel vente Or est dedans la nasse le pource homme qui ne souloit au temps passe sefmaier que de chanter et dacheter daguillettes et bourcetes de foye et autres semblables iolyuetes pour donner aux belles

filles Il se delite et ioue vng peu dedans et ne
 fefmaie point de foy en iffir iufques a ce quil fen
 aduife vng pou aulcuneffois mais il ne eft pas temps
 ne heure de foy repentir Sa femme lui conuient
 mettre en estat ainfi comme il appartient A lad-
 uanture elle aura le cuer bon et gay et aduifera
 lautre iour a vne fefte ou elle fut les aultres femmes
 de fon estat qui eftoient toutes abillees a la nouvelle
 facon Si dit en foi mefmes que bien appartient a
 fon lignaige et a fes parens quelle foit auffi bien
 habillee comment elles lors regarde et aduife temps
 et lieu et heure de parler de la matiere a fon mari
 Et la ou volentiers efpecialement les maris font
 plus fubgetz et enclins pour octroier cefst au lict au
 quel le compaignon dont iay parle veult entendre
 a fes defirs et plaifirs et lui femble que il na autre
 chofe a faire Lors commence et dit ainfi la dame
 Mon amy laiffes moy car ie fuys a grant mal aife
 Ma mie respont le bon homme de quoy eft ce
 Certes ie le doy bien eftre mais ie ne vous en diray
 rien Car vous nen faictes compte de rien que ie
 vous die Mamie dit il pour quoy me dictes vous
 telles paroles Pour dieu fait elle fire il ne eft ia
 meftier que ie le vous die Car eft vgne chofe que
 fe le vous difoie vous nen feriez conte et fi femble-
 roit que ie le feiffe pour autre chofe Vrayement
 fait il vous le me direz lors fait elle puis quil vous
 plait ie le vous dyray Mon amy vous faues bien
 que ie fus lautre iour a la fefte qui ne me plaiſoit
 gairef maif quant ie fus la ie croy quil ny auoit en
 toute laffemlee femme tant fut elle de petit estat
 qui fuft fi mal habillee que ieſtoie Combien que

ie ne le dis pas pour moy louer Mais dieu mercy
ie suis de aussi bon lieu comme dame ou damoiselle
qui y fust Je men raporte a ceulx qui scaient les
lignages Je ne le dis pas pour mon estat Car il
ne me chaut comment ie soie vestue mais ien ay
honte pour lonneur de vous et de mes amis Or
mamie fait il quel estat auoient elles a celle feste
Et elle respont Par ma foy il ny auoit si petite femme
de lestat dont ie suis qui neust robe neufue Et
adonc le preudomme demande de quel drap estoient
leurs robes et elle respont quilz estoient descalate
ou de malines ou de bon fin vert gay fourree de
bon gris ou de menus vers a grans manches et a
grans queues et chaperons a laduenant avecques
vn beau tiffu rouge ou vert pendant iusques a terre
Et tout fait a la nouuelle facon Et iauoie encores
la robe de mes nopces laquelle est bien vsee et
bien courte pour ce que ie suis creue despuis que
elle fut faicte Car ie estoie encores ieune fille et
de petit aage quant ie vous fus donnee Et si ie
suis desia si gastee tant ay de peine que mainte-
nant ie sembleroie bien estre mere a celle a qui ie
sembloie estre fille et certes iauoie mout grant honte
quant iestoie avecques elles que nullement ie n'osoye
ne sauoye faire nulle contenance Et encore avec-
ques tout ce me fit plus grant dueil et plus grant mal
quant la dame de tel lieu et la femme de tel me
vindrent dire deuant tous que ce estoit grant honte
que ie nestoie mieulx habillee Et par ma foy elle
nont garde de my trouuer mes de piefce Et le bon
homme respont et dit Haa mamie ie vous dirai
Vous faues que nous auons beaucoup a faire Et

faues quē quant nous entraſmes en noſtre mariage
premierement que nous nauions pas grant ſoiſon
d'argent contant ne de biens meubles Et conuint
achater litz couches et moult d'autres chofes Et
nauons pas grant argent quant pour le preſent Et
ſi ſcaues bien quil nous fault achater deux buefz
pour noſtre gaygnage de tel lieu Et encores lautre
iour cheut le pignon de noſtre maiſon par faulte
de couuerture qui eſt a refaire neceſſairement pour
la premiere choſe et ſi me faut faire de grans deſ-
pens et me fault aller a laſſiſe de tel lyeu pour le
plait que iay de voſtre terre meſmes don ie nay
rien eu au moins bien pou et faudra que ie y deſ-
pende grant argent Haa fait elle fire ie ſauoie
bien que vous ne me porries autre choſe que re-
proucher ſi non ma terre Lors elle ſe retourne
de lautre part et dit pour dieu laiſſes moi eſter
Car ie nen parleray iamais Quel dyable dit le
preudome mamie vous vous courrouces ſans cauſe
Non faiz fire fait elle Car ſe vous nen auez rien
eu ie nen puis mais Car vous faues que ieſtoie
parlee de marier a tel et a tel Et en plus de xx
autres lyeux leſquelz ne demandoient nulz biens
mais ne vouloient ſeulement auoir que le corps
Et ſi faues bien que vous allies et venies ſi ſou-
uent vers moy et tranſmetties meſſages par telle
facon que nullement ie neuffe pas voulu auoir autre
que vous dont ie ſuis mal de mon ſeigneur mon
pere et de ma dame ma mere dont ie me doy bien
hair Et ie vous demande fire fait elle ſe les fem-
mes de tel et de tel qui me cuydoient bien auoir
ſont en tel eſtat comme ie ſuis Par ſaint iehan

mieux valent les robes que elles laissent a leurs
chamberieres que celles que ie porte aux dymen-
ches ne ie ne scai que cest a dire dont il meurt tant
de bonnes gens dont il est grant dommage mais a
dieu plaist que ie ne viue gueres au moins ne fiffies
vous compte de moy et neuffies plus de desplayfir
pour moy Par dieu fait il ce nest pas bien dit Car il
nest pas chose que ie ne fisse pour vous mais vous
deues regarder a mon faict Tournez vous vers moy
et ie feray ce que vous voudres Pour dieu fait elle
laisses moi ester Car par ma foy il ne men tient point
et pleust a dieu quil ne vous en tenist iamais plus que
il fait a moy Par ma foy vous ne me toucheries
iamais Non fait il Certes fait elle non Lors pour
lessaier bien se lui semble il lui dist Se iestoie tref-
passe vous series tantost mariee a vng autre Sire
fait elle ce seroit pour le playfir que ie y ay eu
par le sacrement dieu iamais bouche domme ne
tocheroit a la mienne Et se ie sauoie que ie deusse
demourer apres vous ie feroie tant que ie men
yroie la premiere Et commence a plourer Et ainfi
se contient la dame combien quelle pense tout le
contraire et le bon home est bien aise et en mal
aise pource quil cuide que elle soit froide femme et
si chaste quelle nait cure de celle ordure et aussi
cuide que elle layme fort et aussi est il a mal aise
pource quelle plore dont il a le cuer piteux et dou-
lant et ne fera iamais aise tant que elle soit apaisee
Et trauaille par maintes manieres a lui faire plaisir
mais elle qui actent a ferir son cop quelle a actendu
pour auoir la robe nen fera rien mais se lieuera
bien matin a heure non acoustumee Et fera tout

le iour mauuaife chere et naura delle nulle belle
parole puis venra lautre nuit quelle se couchera
Et apres quelle fera couchee le bon homme escou-
tera felle dort et aduifera felle a les bras couuers
Et la recourira fil en est mestier Lors elle fera
semblant de foy efueiller Et le preudomme lui dit
Dormes vous mamye Non fait elle Estes vous
bien apaifee Mon courroux est bien peu de chose
et dieu mercy fait elle iay affes de biens en fouspi-
rant puis quil lui plait Par dieu fait il mamie nous
aurons affes et ay aduife vne chose que vous feres
aux nopces de ma cousine la mieux ordonnee que
femme qui y soit Certes fait elle ie nentreray a
feste de ceste annee Par ma foy fait il si feres et
aures ce que demandes Que ie demande fait elle
Certes ie ne demande riens mais ainfi me soit dieu
en ayde que ie ne le demande pas pour enuie que
iaye destre iolie Car ie vouldroie que ie nallasse
iamais hors de vostre maison fors a lesglise mais ie
ne le dys mais que pour les paroles qui en furent
tenues entre les autres Car ie lay sceu par ma
commere qui en ouyt affes de paroles qui le me
dit Lors pense le poure homme nouveau mefnagier
qui a beaucoup a faire de choses et a laduanture na
pas grant meuble et la robe coustera cincquante ou
soixante escus dor Et en pensant il trouue maniere
de trouuer cheuance et touteffois il la fault auoir
Car il voit sa femme qui a son aduis est bonne et
preude femme Et loue dieu en son couraige dont
il lui a donne si beau ioel que elle est Lors se
retourne fouuant de lun costé sur lautre ne ia ne
dormyra de toute la nuit qui bien lui face Et au-

cune fois il aduient que la dame est si rusee que elle congnoit bien son faict et sen rift entre ses dens Quant vient au matin le preuxdomme qui est tout debatue des grans souffis quil a eus se lyeue et sen va a laduanture prendre du drap et la panne a creance Et sen oblige aux marchans ou emprunte ou engage x liures de rente ou porte vendre vieux ioyaux dor ou dargent qui estoient du temps de son pere qui les auoit gardes et fait tant quil vient en sa maison garny de toutes les choses que la dame demandoit laquelle fait semblant quil ne lui en chault et maudit tous ceulx qui premierement amenerent si grans estas Et quant elle voit que la chose est feure elle dit Mon amy ne me reprouches pas vn de sefiours que ie vous aie fait mectre vostre argent car ie ne donne pas de robe que iaie vng denier mes que ie soie chaudement Briefuement la robe se fait et la sainture et le chaperon Or est venu le terme quil fault payer les creanciers et le pouure homme ne peut fournir Ilz ne veulent deporter et le font excommunier et excecuer Et la dame le scet bien Et a laduanture apres lexcommuniement par ce quil naura peu paier la debte il fera rangregie Et dieu scet le plaisir en quoi le poure homme vit et vse les iours Car la dame va criant par la maison et dit ainsi Ha maudicte soit leure que ie fus oncques nee et que ie ne mourus en mes aubes Helas oncques mais si grant honte ne mauint ne a femme de mon lygnage Helas fait elle iay trauaille a gouuerner la maison et tant que iay peu faire ne amasser se pert Jeusse este mariee en plus de xx lieux se ieusse voulu ou ieusse eu plus donneurs et de

richesses car ie scai bien comment leurs femmes font Et pource lasse que ne vient la mort me prendre Ainsy fait la dame ses complaints qui ne pense point au gouvernement quelle a mis aux estas quelle a volu auoir et porter es nopces ou elle est allee quant elle deuoit penser de son mefnage mais elle met tout sur la faulte du poure homme qui a laduanture ny a cause et dont elle est cause efficiente et aussi il est abesti par le droit du ieu quil ne se congnoit point quelle y ait faute Ne demandez ia les douleurs et les pensees ou le poure homme est qui ne dort ne repose mais pense a toute heure comment il pourra apaifier sa femme et mectre remede a son debte Mais il est encores plus courrouffe de la dame que se donne malaise que du surplus Ainsy languist et chet en pourete Et a peine se relieuera iames puis quil est ainsy aculle mais tout ne luy est que ioye Ainsy est enclos en la nasse Et a laduanture ne sen repent point Et fil ny estoit il sy mectroit bien tost et ne auroit iames bien tant quil y fust Et la le poure homme vfera sa vie en languissant tousiours et finira miserablement ses iours





La seconde ioie de mariage est quant la dame se sent richement habillee comme dit est et scet bien quelle est belle Et aussi va a plusieurs festes ou assemblees et pelerinages et aucunefois il ne plait pas au mari Elle entreprend daller en voiage avec sa cousyne la commere ou son cousin qui a laduanture ne lui est riens mais elle a acoustume de ainsi lappeller et pour cause et sa mere qui voit aucune fois des besongnes dist au poure homme que il est son cousin pour luy esclarcir le cuer Et aucunefois le mary qui ne veult quelle y aille dira quil ny a nulz cheuaux ou autre chose Lors la commere ou sa cousinne dira Par dieu mon cousin ie suis bien marrye dy aller Car iay bien affaire en ma mayson Mais sy mayst dieu se ne fut vostre honneur et le myen ie nen parlasse ia et par ma foy ie scay bien que ma cousine ou ma commere vostre femme ne luy plait gueres a y venir Car cest la femme en ce monde qui a le plus grant haste de sen venir quant elle est en quelque lieu hors de sa maison Lors le preudomme qui est par telles paroles vaincu demandera quelles femmes yront ou quelz hommes en leur compaignie Par ma foy mon cousin mon compere ou ma commere y viendront Vostre dame la mere de ma cousine vostre femme et la femme de tel et de tel et son cousin et le vostre Les autres tous sont de nostre

rue ou denuiron Je vous ose bien dire que il y a
 bonne compaignie et fust ce pour faire compaignie
 a la fille dung roy et si est de preudommye et de tout
 honneur Et a laduanture celle qui parle doit auoir
 vne robe ou autre chose pour bien iouer le per-
 sonage et ce aduient souuent Je scay bien fait il
 que la compaignie est belle et bonne mais elle a
 ceans beaucoup a faire Or luy donne le preudomme
 licence Et gardes bien fait il de mufer par les
 chemins et faicte comme quil soit que vous foyes
 venue au soir Lors la dame qui voit quelle a
 congie fait semblant quelle aymast mieux ny aller
 point et dit Par dieu mon amy fait elle ie nay que
 faire de y aller ie vous prie que ie ny aille point
 Vrayement dit lautre ma cousine vous y viendres
 Lors le bon homme trait areiere sa commere et lui
 dit Ma commere se ce ne estoit pour fiance que
 iai en vous elle nyroit point Haa mon compere
 fait elle par dieu qui tout le monde fit vous le
 pouez bien et seurement faire Elles se mectent
 au chemin et puis se mocquent du bon homme
 Et vont disant lune a lautre que il a vng peu de
 ialousie La se rendent les galans de toutes pars
 qui auoient a laduanture mise en erre la besongne
 a la feste qui fut deuant Et factendirent ycy a con-
 clurre de tout leur faict Dieu scet comment la
 dame est festoie seruye et honoree pour lamour de
 son mari Et dieu scet comment elle semploie a
 dancer chanter et faire grant chere Et comment
 elle prise pou son mari quant elle se voit tant prisee
 et louee Certes les galans qui voient quelle est
 bien habillee et bien appareillee chascun saduance

pres delle a lui offrir lun plus que lautre Car ioly-
 uete et menu trot de femme monstrent et donnent
 hardement et atraict a tous rybaux de parler Lung
 presente beaux moz gracieux Lautre marche sur
 le pie ou lui estraint la main Lautre la regarde
 dun regart tranchant et piteux de coste Lautre lui
 presente vn dyamant ou vng rubys Par lesquelles
 choses la dame peut asses fauoir de leur volente se
 elle est telle que elle ait raifon aucunement La se
 met aucunesfois hors de son charroi et prent plaisir
 en aucunes besongnes Et a lauanture y aura pis
 Or est mis le poure homme en neceffite pour lestat
 de sa femme le quel estat est cause de la faire aller
 aux assemblees et aux festes La se rendent les
 galans de toutes pars qui ne entendent a nul en-
 droit sinon a decepcion pour le poure homme et
 nen eschape gueres Or il est cause de sa honte dont
 aduient que par longue continuacion que la dame
 lui en a dit aucune chose il en trouue la verite ou
 il sen doute Et par ce chet en vne rage de ialou-
 sie en laquelle ne se doit bouter nul sage homme
 Car fil sent vne fois le mal de femme iamais nul
 medicin ne le garira Et lors il la batra et empirera
 la besongne Car elle ne sen chastiera iamais Et
 en la batant ne fait que alumer le feu de la folle
 amour delle et de son amy Et aduient aucunesfois
 quil lui cope des membres dont aduient quil en
 pert son chastel et deuiendra comme tout abesty et
 met tout a non chaloir Et iamais puis que ainfi
 est elle ne laymera fors que pour passer temps et
 pour ly faire vmbre La vit le poure homme en
 peine et tourment moult grant Et tout ce il prent

pour ioyes Or est il en la nasse bien parfont Et
fil ny estoit si sy mettroit il bien parfont et a grant
haste La vfera le poure homme sa vie en langif-
fant toufiours Et finira miserablement ses iours





La tierce ioie de mariage si est que apres que le
jeune homme et la femme qui est bien ieune
ont bien prins de leurs plaifances elle deuient grosse
et a laduanture ce ne fera pas de son mari que
duient fouuent Lors entre en souffry et en tour-
ment le poure mari car il court et trote pour querir
la dame ce que il lui fault Et fil chet en courant
se pourra bien afoler Et fera grant aduanture
l'apporte viande qui plaist a la dame combien quil
il mis grant peine a la querir Et aduient que pour
les viandes et pour les aises ou elle est que lapetit
il y passe pource quelle est ennuye des viandes com-
munes Si desire dauoir choses estranges et nou-
elles pource en conuient auoir Et conuient que
le poure homme trocte a pie ou a cheual de nuyt
un de iour pour en auoir En tel tourment est le
poure homme sept ou huit moys que la dame ne
ait que mignoter et se plaindre Et le poure homme
porte toute la charge de la maison de leuer matin
et de choucher tard et de penser a son mesnage
selon lestat de quoy il est Sy approche le temps
de lenfantement et conuient quil ait comperes et
commeres a lordonnance de la dame Or a il grant
souffry de querir ce que il lui fault pour les com-
peres nourriffes et matrosnes qui seront pour gar-
der la dicte dame tant comment elle sera en la
couchette et si beront de vin autant comment on

mectroit en vnes vieilles botes Or double fa peine
Or se voue la dame en fa douleur en plus de xx
pelerinages Et auffi le poure homme se voue a
tous saints Si viennent commeres de toutes pars
Or conuient il que le bon homme quiere et que il
face tant quil soient bien aises La dame et les
commeres parlent et dient de bonnes choses et se
tiennent bien aises quiconques ayt peine de le querir
quelque temps quil face Et quant le mary fera
dehors lune delles dira Helas mon compere a main-
tenant male durte qui est dehors car il fait mal
temps et lautre respont quil ny a force et quil est
bien aise et sil aduient que il faille aucune chose
qui leur plaife lune des commeres dira ma commere
ie mesmerueille bien et sy font toutes mes comme-
res qui cy font de vostre mary qui fait si petit conte
de vous et de vostre enfant Or regardez quil en
feroit se vous en auies eu cinq ou six Il appert
quil ne vous ayme gueres Si lui fistes vous plus
grant honneur de le prendre quil aduint oncques a
nul de son lignage Par dieu se mon mary me fai-
soit ainsi Jaimeroie mieulx quil neust oeil en teste
Ma commere fait lautre nacoustumes pas a vous
laisser ainsi mettre soubz le pie car il vous en feroit
autant ou plus quant series autrefois acouchee Ma
cousine fait lautre ie mesmerueille bien veu que
vous estes sage femme et de bonne lignye et quil
nest pas vostre pareil chascun le scet bien comment
vous lui souffres Et il nous porte a toutes grant
dommage Lors la dame respont et dit Vrayement
mes cheres commeres ie ne scai quen faire ne com-
ment men cheuir tant est mal homme Il est mal

homme dit lune delles voici mes commeres qui ycy
font qui sceuent bien quant ie fus mariee auecques
mon mari on disoit quil estoit si diuers et que il
me tueroit Par dieu ma commere il est bien donte
la mercy dieu car il aymeroit mieulx foy estre rompu
vng bras que il meust dit desplayfir Mais au com-
mencement il cuida commencer vne maniere de
parler et de ferir Mais par le sacrement de dieu
ie len garday bien et prins le frain aux dens tant
quil men ferit vgne fois ou deux dont il fit que fol
Car ien ay fait pis que deuant Et tant que ie scay
bien que il a dit a ma commere quil ny pourroit plus
mectre remede Je puis dire et faire quanques ie
vueil mais la derniere parole me demourra soit tort
soit droit Mais il ne est ieu que a ioueurs et ny
a que faire Car mamy e ie vous iure quil ne est
homme si eschars que fa femme ne face franc et
de bonnaire felle est telle quelle ait aulcun enten-
dement en elle Gardes ma cousine fait lautre que
vous lui songnes bien quant il fera venu Ainsy est
gouuerne le poure homme et touffours boyuent
comme botes arfes Elles prennent congie iusques
a lendemain et venront veoir comme elle fera gou-
uernee Quant vient que le poure homme est venu
de pouruoir vitailles ou autres chofes a laduanture
on fait grant degast du sien dont il est en grant
souffi Il arriue vne heure ou deux de nuit pour
ce quil vient de loing et a grant enuie de fauoir
se la dame est bien saine et comment il lui va Or
nose coucher hors de sa maison pour doubte de
despendre Il entre a lostel en ioye Tous les ser-
uiteurs et seruantes sont instruis a la poste de la

dame Car autrement ilz ny demourroyent point
tant fuffent il bons et leaux Et demande comment
il lui va et la chamberiere qui la garde lui respont
quelle est fort malade et que oncques puis quil
partit ne menga mais elle est vng petit apaifée
Lors croit la douleur a lome qui a lauanture estoit
bien moullie et bien mal monte qui aduient souuent
Et a lauanture il est fangeux car son cheual est
foible a passer vn mauuaiz pas Et par aduanture
naura menge le bon homme de tout le iour mais
encores ne mangera il iufques a tant que il fache
de la dame comment il lui va Lors la nourriffe et
les vieilles matrones et feruantes qui font instruites
en leur mestier font bien leur personnage et font
bien les courroucees Lors le bon home ne se peut
tenir que il ne voife deuers elle et loyt plaindre
baffement de lentre de la chambre et vient vers
elle Et facoude sur le lict deuant elle et lui de-
mande Que faictes vous mamye Mon amy ce fait
elle ie fuis trop malade Et ou sentes vous le mal
Mon ami fait elle vous fauez que ie fuis bien
foible de piefca Mamie fait il que naues vous or-
donne a vous faire vng coulis de chapon Ainfi
maist dieu mon amy ilz me en ont fait mais ilz ne
sceuent le faire Par ma foy ie vous en feray ou
il ne touchera que vous et moy et en mengeres
pour lamour de moy Je le vueil bien mon amy
Lors le bon homme se met en voye et a cuifiner
et sard a faire le brouet pour le garder de fumer
Lors il tence ses gens et dit quilz ne font que bestes
Adonc fen va atout son brouet Et le porte a la
dame et lefforce et la prie quelle en prengne vne

partie pour lamour de lui Et elle dit que ce est
 trefbon Et celui que les autres auoient faict ne
 valoit rien Le bon homme sen va soupper on lui
 apporte la viande qui nest pas seulement la viande
 des commeres a laduanture des vielles matrofnes
 quelles ont mafche tout le iour Et boyuent dieu
 fcet comment Ainfi sen va coucher en tout souffly
 Et quant vient lendemain deuers matin il lui dist
 Mamye il est temps que vous releues et alles a la
 messe Car nous fayfons fi grant despence que nostre
 argent ne le pourroit porter Et la dame respont
 Il ny a encores gueres que ie fuyf acouchee et ne
 me pourroie encores foustener ie croy quil vous
 tarde bien que ie ne fuis defia a befongner par la
 mayfon aprendre la peine qui ma tuee Helas ie
 voy bien que ie auray beaucoup a souffrir au tempf
 auenir Se iauoie eu x ou douze enfans que ia ne
 fera se dieu plait Et plaife a dieu que ie nen aye
 iames point et luy pleuft quil eust fait son com-
 mandement de moi mais fa volente soit faicte Haa
 fait le bon home vous vous esmouues et fans cause
 Nest ce pas voir Car par dieu iose bien dire que
 oncques pource home de mon estat ne souffrit plus
 que iay Or auant ie fuis content que vous leues
 quant il vous plaira Je confeille fait elle que on
 aille dire a mes commeres quelles ne viengnent
 point et que ie fuis mal disposee Mamye fait il
 elles vyendront et feront bien ayfes Sire fait elle
 laiffes moy ester et en faictes ce que vous vouldres
 Lors vient vne des matrones qui garde la dame et
 dit au preuxdomme Monseigneur ne lenfumes point
 de paroles car il y a grant peril a vne femme qui

a le cerueau vuide et est foible et de petite corpulance Lors elle tire sa courtine Ainsy vit le bon homme en languissant tousiours et miserablement finira ses iours





La quarte ioye de mariage sy est quant celui qui a este marie et a este en son mesnage et demeure sept ou huyt ans et a fix ou sept petis enfans Et a passe tous les mauix iours et males nuits et toutes les malleuretes deffusdictes Et dont il a eu maint mauuaiz bont et est sa ieunesse fort refroydee tant quil fust temps de soi repentir sil peust Car il est aussi mat du mesnage et si treflas que il ne lui en chault plus de femme ne quelle die ne quelle face Car il est aussi adure comme asne a laguillon Le pouure homme a vgne fille ou deux a marier et leur tarde leur Et sont es ieux Et a laduanture le bon homme na pas grant cheuance Car il fault aux filles ou autres enfans chausses pourpains et autres vitailles Et plusieurs autres choses Et mesmement les filles il fault tenir iolietement pour trois choses Lune pource quelles en seront plus tost demandees de plusieurs galans Lautre si est que se le preuxdomme nen vouloit rien faire il nen feroit rien pour lui car la dame qui a passe par ycelle voye comme elles sont ne le souffriroit pas Lautre si est pource que les filles ont le cuer bon et gay de leur coustume Et iamais ne seront aultrement quelles ne soyent iolies Et a laduanture qui ne les tiendrait ilz trouueroient maniere dauoir leurs iolyuetes de quoy ie me taiz Et ainsi le bon homme est esbahy de tous les costes Et porte les grans charges qui sera a

laduanture mal habille et ne lui en chault mais quil viue et auffi lui souffit bien comme au poiffon qui est en la nasse qui auroit bon tempf son le laiffast viure en languissant mais on lui abrege ses iours Si fait on au poure homme qui est mis en la nasse de mefnage pour les tourmens que iay dis et autres innumerables Et pource lui voiant les charges et les choses que il a faire comme iay dit il ne lui chault mes quil viue et met tout a non chaloir comme vn cheual recreu ne fait compte des esperons ne de chose qui oncques lui fut faicte Ce non obstant il fault quil trote et aille dehors pour gouuerner la terre selon lestat dont il est Il a a laduanture deux pouref cheuaux ou vng ou nul maintenant sen va trente ou quarante lieues a vgne assise ou en parlement pour vne vielle cause qui a dure long temps Il a vnes botes qui ont trois ou quatre ans Et ont este apareillees par bas tant que ce qui fouloit estre aux genoulx est au milieu de la iambe Il a vns esperons du temps au roy cloutaire dont lun na point de molete et vne robe de parement qui a bien dix ans mais il na acoustume de la porter si non aux bonnes festes et quant il alloit dehors Et est de vielle facon pource que depuis quelle est faicte il est venu dautres nouuelletes de robes Et quelques ieux ou instrumens quil voie il lui fouuient toufours de son mefnage Il vit pourement sur les chemins et les cheuaux mesmes fil en a et vng varlet tout desgarote qui a au coste vne vielle espee toute enroullie que son maistre gaigna en la bataille de flandres Il porte vnes vieilles bouges ou le poure homme porte son harnoys de iambes a la

bataille Briefuement le bon homme fait le mieulx
quil peut et a petis despens Car il a affes a la
maifon qui lui despent Et auffi est il plus empesche
daduocas de fergens et de greffiers et sen vient le
plus toft quil peut en fa maifon Et a laduanture
que leure est auffi pres du matin comme du soir
et ne trouue que fouper car la dame et tout son
mesnage font couches et le bon homme prent tout
en pascience car il la bien acoustume Et sil ad-
uient que le bon homme arriue de bonne heure
fort las et trauaille et a le cuer pencif et charge et
angoiffeux de ses befontes et cuide bien estre ar-
riue combien que il a maintes fois eu auffi bien
quil pense dauoir La dame tance et tempeste par
la maifon et fachez que quelque chose que le bon
homme commande ou die les feruiteurs nen feront
compte car ilz feront tous de la dame et les aura
tous endoctrines Et pource il pert fa peine de
riens commander fil ne plait a la dame Se le pource
varlet qui a este avecques luy demande chose pour
lui ou pour ses cheuaux il sera suspec et reboute
et noufera rien dire Et auffy le bon homme qui
est sage et ne veult point fayre de noife prent tout
en pascience et dit Dame vraiment vous faictes
bien des vostres et la dame respont vous aues plus
perdu que vous ne gaingneres de deux ans Je
vous auoie piefca bien dit de par tous les dyables
que vous feiffies fermer nostre polallier la martre
ma mengie trois de mes vielles gelines dont vous
vous apercepures bien du dommage par dieu fe
vous viues vofre aage vous feres le plus pource
homme de vofre lignage Belle dame ce fait il ne

me dictes point telles paroles dieu mercy iay asses
et auray se dieu plait Et y a de bonnes gens en
mon lygnaige Ha voy fait elle en vostre lignage
par sainte marie ie ne scay ou il sont mais au
moins ie nen voy gueres Par ma foy fait il dame
il en y a de bons et qui vous valent bien Eulx
fait elle quilz me valent Oy fait le preudomme
Par dieu fait elle vostre fait fust bien petit se ne
fussent mes amis Et pour dieu belle dame laisses
ester ces paroles Certes fait elle ilz vous respon-
droient bien se vous leur parlies de cestes paroles
Lors le bon homme se taisit car a laduanture il a
doubte quelle le die a ses parens Et adonques
se prent a plourer lun des petis enfans Et la dame
le prent et bat trespas de bonnes verges par des-
pit du bon homme plus que pour autre chose Lors
dit le preudomme Belle dame ne le bates plus
et se cuide courroucer Et la dame commence a
tencer et dit Ha de par tous les diables vous
naues pas la peine de les gouverner ne ilz ne vous
coustent gueres et ie suis tous les iours apres que
malle mort sy puiſt mettre Haa belle dame fait il
cest trespas dit Hauoi mon seigneur ce fait la nour-
riffe vous ne scauez pas la peine qui y est et quil
nous fault endurer a les nourrir Par ma foy dit la
chamberiere cest grant honte a vous Quant vous
venes de dehors la maison deust estre resiouye de
vostre venue et vous ne faictes que noife et debat
Et ainſy le bonhomme foy voiant acule de toutes
pars et voit quil ny peut riens gagner sen va cou-
cher sans souper et par auanture tout moullie et
morfondu et sil soupe dieu ſcet comment il est aise

et quelle plaifance il a puis fen va coucher et oit
toute la nuit les enfans crier Et la dame et la
nourriffe les laiffent crier tout en efciant pour despit
du poure homme Et ainfi paffe la nuyt en fouffy
et en tourment et tient tout a ioye veu quil ne voul-
droit pas autrement Pource y eft et demourra touf-
iours et finira miferablement fes iours





La quinte Joye de mariage sy est quant le bon homme est marie pour les grans trauaulx quil a endures et portes longuement est math et las et est sa ieunesse fort refroydee Et a laduanture il a femme de plus grant lygnye quil nest ou plus ieune quil nest qui sont deux grans choses Car nul homme ne se peut mieulx gaster que soy enueloper en ces deux lieux pour ce que ce sont deux repugnances quon veult acorder contre nature et contre droit Aulcunefois ilz ont des enfans et aulcunefois ilz nen ont point Ce non obstant la dame ne sen est pas tant donne de peine comme le bon homme qui moult trauaille a la tenir bien aise Et pour maintenir lestat quelle a toufiours voulu auoir iolyf et de grant coust et ny eust il que celle sy faut il quil aille auant Car elle ne veult point abaïsser son lignage et son mary se tient pour tout honnore de ce que dieu lui fit la grace quil la peust auoir Et aduient souuent que quant ilz tencent ensemble elle luy dit par maniere de menaces que ses amis ne la lui baillarent pas pour la paillardir et que elle scet bien dont elle est venue Et dit que quant elle voudra escripre a ses amis et coufins ilz la viendront tantost querir Et pource ne lui ose toucher de la main quoy que il die de bouche Ainsy est en grant seruage se me semble Et peut bien estre que les amis leussent bien mariee plus grandement

et plus haultement et ne leussent pas baillee au pource homme se ne fust vn petit eschapillon quelle fit en sa ieunesse par vne auanture qui lui aduint par chaude cole Dont le bon homme nauoit rien sceu ou a lauanture en auoit oi parler et dire aucune chose Mais le bon homme qui est fait a la bonne foy et du bon crefme oyt iurer a moult de bonnes gens que ce furent mauuaiz langages qui furent controuues et fans cause contre la bonne dame ou bourgoise comment de beaucoup dautres qui sont vituperees et blasmees a grant tort dieu le scet cest par ces iolis compaignons qui vont et viennent par ces rues parlans des bonnes preudes-femmes quant autre chose nen peuvent faire Si est ainsi que la bonne dame qui voit et regarde son mari qui a delaisse tout esbat et toute ioye et pense a acquerir cheuance ou terre ou a lauanture il a grant cheuance et est chiche a la mise qui nest pas chose plaissante a la dame pource quelle veult fouuent auoir nouuelletes selon le temps tant en robes faintures atours ou autres choses ainsi quelle voit ses compaignes ou elle va aux dances ou aux festes avec ses cousines et avecques ses commeres Et avec vng qui se dit son cousin et a lauanture il ne lui est rien Et aduient aucunesfois pour les grans aises ou elle est et quelle oyt et voit dire moult de bonnes choses elle met en mesprison son mary et fait vng amy tel que bon lui semble Et par ainsi elle ne aymera iamais son mary Car son mari est tant auaricieux et plain de pensees et elle nest pas entree en telle auarice ou il est Et est en sa ieunesse laquelle elle veult employer en plaissances et

delectacions Si va souuent la ou elle scet trouuer son amy qui est fres et ioly Et aucuneffois il aduient souuent quelle ne la peu veoir a son honneur mais elle a eu meffages quelle le doit veoir a certaine heure Et apres ce quant vient au foir que le bon homme est couche et se veult vng petit esbatre avecques sa femme Et elle a qui il fouiendra du gentil galant son amy quil y a huit iours ou plus que elle ne le vit Et doibt venir demain tout enrage et tout affame Car a laduanture il a langy et veille par rues et iardins par longtemps que ilz nont peu parler ensemble et pour ceste cause quant il pourra demain y aduenir il fera chault et merueilleux tant pour lappetit que pour la haste que il aura Et peut estre aussi quilz feront bien de loisir lung et lautre pour faire les plaissirs que homme pourroit penser Et scaches quelle fait cent choses a son amy Et monstre des tours damours Et fait plusieurs petites melencolies quelle ne feroit pas a son mary et aussi son amy lui fera tous les plaissirs que il pourra Et lui fera maintes fredaines ou elle prendra grant plaisir ce que nulz maris ne scauroient faire et si le sceuent bien faire auant quilz soient maries Si la oublie pource quil le met a non chaloir Et aussi il ne le voudroit pas faire Car il lui sembleroit quil ly apprendroit ce quelle scet mieulx que lui Quant la dame si a amy a sa plaifance et ilz se peuent trouuer ensemble ilz se font tant de ioyes et de plaissirs ensemble que nul ne le pourroit dire Et tant que le fait du mari nest rien prise Apres lesquelz plaissirs la dame prent autant desbat et de plaissirs de son mary comment

vng bon tafeur de vin feroit dung petit vin rippope apres vn bon vin ou apres vn bon ypocras Car quant aucunefois vng bon beueur qui a grant foif et boit dun petit vin rippope ou enfufte Et pour la grant foif que il a il le trouue affes bon en le beuant mais quant il la beu il trouue vng mauuais remors Et qui en voudroit encores trayer il nen voudroit plus finon en deffaulte daultre meilleur Ainfi fachez que la dame qui a fon amy a fon defir en neceffite a la requette de fon mari en prent aucunefois pour paffer tempf Et pour ce quant il en veult et fa femme non elle dit Mon amy layffes moy effer et actendes deuers matin Certes mamye non ferayournes vous vers moy Par dieu mon ami vous me feries grant plaifir fe vous actendies iufques au matin Lors fe tourne le bon homme qui ne lui ofe toucher Et fe tient en paix iufques au matin Lors la dame qui a penfe a fon amy Et a intencion de le veoir demain qui ne eft pas tout vng dit a foy mefmes quil ny touchera ia le matin Et pource bien matin fe lyeue et puis fait feblant de eftre bonne mefnagiere Et le laiffe dormir Et a laduanture aura bien tous fes defirs et ioyes avecques fon amy auant que fon mari foit leue Et apres ce elle fait trop bien le mefnage Aucunefois il aduient quelle ne fe lieue pas et que elle fe plaint des deuant iour et mignote Et le bon homme lui demande Quaez vous mamie Vrayement fait elle ie ay fi grant mal au cofte ou au ventre que cest merueille Je cuide que cest le mal que iay acouftume dauoir Mamye fait ilournes vous deuers moy Par dieu mon amy fait elle

ie suis auffi chaude comme le feu et nay oncques
peu dormir Lors le bon homme lacolle et trouue
quelle est bien chaulde Voire mais cest dautre
maladie quelle ne dit Car elle a fongie par aduan-
ture que elle estoit avecques son amy et pource
est elle ainfi chaude Lors le bon homme la couure
bien que point de vent ny entre pour lui faire boyre
sa fueur Et luy dist Mamie tenes vous bien en
vostre fueur Et ie feray bien faire la besongne
Lors le bon hommẽ se lieue sans feu a lauanture
et sans chandelle et quant il est le temps quelle se
lieue il lui fait faire du feu et la dame se dort a son
aise et sen rit tout par elle Vne autre fois le bon
homme si se veult esbatre avecques elle qui sest
excusee plusieurs fois comme iay dit deuant En-
cores trouera maniere deschaper Car elle ne prise
riens son faict Et le bon homme en a grant besoing
et lacolle et baïse Et dieu scet comme elle en est
aise sil est ainfi quelle soit telle comme dit est de-
uant Lors dit ainsy Pleust a dieu mon ami que
vous ne le fiffiez iamais tant que ie vous en requisse
premierement et comment fait il ne le feries vous
point Par mon ame ie cuide que non et a mon
aduis ien vouldroie mieux Et se ieusse sceu ce
auant que ie fusse mariee ie ne leusse iamais este
Et quoy dia fait il pourquoi vous mariastes vous
doncques Par mon ame mon amy ie ne scay Je
estois ieune fille et faïsoye ce que mon pere et ma
mere me disoient Et combien quelle dist a laduan-
ture en auoit elle bien taste deuant Quest ce a dire
fait le bon homme ie ne vous trouuay iamais de ma
vie sinon en ceste oppinion Je ne scay par mon

ame fait elle mon amy se ce nestoit pour faire vostre plaisir ie nen voudroie point Le bon homme est bien ayse et dit a soy mesmes quelle est ainfi froyde femme Et quil ne lui en chault et a laduanture elle est femme blanche et de petite complexion parquoy il le croit mieux Lors il la baïse et leembrasse et lui fait ce que lui plaist Et la dame a qui il souuient bien dautres choses voulsit bien estre ailleurs Et luy laisse fayre et se tient pesamment et ne se aide de rien mais ne se hobe ne que feroit vne pierre ou vne pieſce de boys Le bon homme se peine fort qui est lort et pesant Et ne se ſcet pas bien aider comment dautres feroient bien La dame tourne vng peu ſa chiere a coſte Car ce ne est pas le bon yppocras quelle a autrefois eu et pource quil lui ennuye ſi dit Mon amy vous maſſoles toute et auſſi mon amy vous en vauldres mains Le bon homme ſe tient le plus cherelement quil peut quil ne lui face mal et y met bien longuement Mais il en eſchape a quelque peine et craint bien a ſoy y mettre vne autre fois tant pour ſa peine que pour doſte de faire deſplaïſir a la dame Car il croit que elle nen veult point Si le met en telle dance quil croit quelle ſoit de ſoyble complexion pour ce que a lauanture elle eſt deſcoulouree et pource le croit il mieulx Mais ſil aduient que ceſte dame veulle auoir robe ou autre choſe de ſon mary elle ſcet bien ſa condition Et ſcet bien quant il fera temps de beſongner Et aduiſe en ſoy meſmes de le tromper pour auer ce quelle veult demander Quant ilz ſont tous ſeules en leur chambre en delices et plaïſirs Et la dame voit bien que il a aſaire delle elle lui fait ſi bonne

chere que ce est merueilles Car femme qui est
 bien aprise fait mille choses nouelles de faire bonne
 chiere a qui elle veult Et en ce fayfant le bon
 homme est bien aise Car il na pas acoustume de
 auoir bonne chiere Lors l'acolle et le baise et le bon
 homme lui dit en ceste maniere Vrayement mamye
 ie cuide que vous me voules demander aucunne
 chose Par dieu mon amy fait elle ie ne veul riens
 fors que vous me faces bonne chere pleust ores a
 dieu que ie neusse autre paradis fors estre tousiours
 entre voz deux bras par dieu ie nen voudroie point
 dautre Vrayement mon amy ainssy me veuille dieu
 aider que ma bouche ne toucha ne ne touchera fors
 a la vostre et a voz cousins et es miens et quant vous
 le commandes Mais ie croi quil nest homme au
 monde si doulx ne si gracieux que vous estes Mamie
 fait il si estoit vng tel escuyer qui cuida estre vostre
 mari Par dieu fait elle quant ie vous eus veu vne
 fois si vous vis ie bien de loing et ne fis que vous
 entreveoir Mais ie neusse iamays prins autre et
 eust este le dauphin de viennoys Je croy que dieu
 le vouloit ainssy Car mon pere et ma mere me
 cuiderent bien faire acorder a vng tel Mais iamais
 ie ne leusse fait Et me eust on deu tuer Et ne
 scay que cest car ie croi quil estoit ainssy destine
 Lors fait ses plaisirs a la dame et elle se rent asses
 habile et apres ce dit au bon homme Mon amy
 fait elle faues vous bien que ie vous vueil deman-
 der Je vous en prie mon amy ne le me refuses
 pas Non feray ie ce fait le bon homme par ma
 foy se cest chose que ie puisse faire Mon ami fait
 elle la femme dun tel a vne robe fourre de menu

ver ie vous prie que ien aye vne Par mon ame ie ne le di pas pour enuie destre iolye mais pource quil me est aduis que vous estes auffi bien a la value de me tenir honnestement et plus que nest son mary et que elle nest pas a acomparer a ma personne Je ne le dis pas pour moy louer Mais par dieu ie le faiz plus pource que elle sen tient orgueilleuse que pour autre chose Lors le bon homme qui a laduanture est aduaricieux ou pense quelle a asses robes pense vng pou et dit Mamye fait il naues vous pas asses robes Par dieu ce fait elle mon ami ouy mais se iestoie vestue dun buriau ie nen tien compte mais cest honte Ne vous chaille mamie laissez les parler nous nempruntons rien deulx Par dieu vous dites voir mais ie ne semble que vne chamberiere aupres delles Non fais ie pas aupres de ma seur Et si ie suis la plus ainee delle qui est vne laide chose A laduanture le bon homme luy adconuancera ce que elle demande qui nest que son dommaige Car quant elle aura ce quelle a demande et que elle fera bien iolye elle en fera plus preste de aller aux dances et aux festes qui se feront Et ny aura le bon homme nul prouffit Elle se fardera a laduanture et se gouuenera petite-ment si que on ne le cuideroit iamais Et se la robe ne lui plait saches quelle a vng amy mais a lauanture il ne est pas fort riche et quil est vng galant a qui elle tient son estat Et pource elle aduifera vng autre galant qui lui vouloit lautre iour donner vng bel dyamant a vne feste ou elle fut Et lui enuoia par sa chamberiere xx ou xxx escu dor ou plus mais elle ne les vouloit point si tost prendre Et combien quelle

l'auoit fort refuse elle lui fera vng gracieux regart par lequel le gentil galant parlera encore a la chamberiere de la dame quil rencontrera en allant a la fontaine ou ailleurs et lui dira Jehanne mamye iay a parler a vous Sire ce fait elle quant il vous plaira Mamye fait il vous fauez bien lamour que iai en vostre maistresse Je vous prie que me dictes s'elle parla oncques puif de moy Par ma foy fait la chamberiere elle nen dit que tout bien et scay bien quelle ne vous veult point de mal Iehanne mamie fait il fouuiengne vous de moy et me recommandes a elle et par ma foy vous aures vne robe et veefcy que ie vous donne Certes fait la chamberiere laquelle voudroit desia tenir ce que il lui presente Je ne le prendray point Par dieu fait il iehanne si feres et vous prie que demain iaie de vous nouuelles La chamberiere sen va et dit a la dame Par ma foy iay troue gens qui sont en bon point Et quelles gens sont ce dit la dame Cest tel que vous scaues bien Par ma foy ma dame il est en bon point iufques a lautre affise car il a les fleurs blanches et est en tel point quil ne scet quil fait Par dieu fait la dame il est bel home et gracieux Vrayement dit la chamberiere vous dictes voir le plus bel que ie voie et le plus riche et bien taille damer loialement et feroit affes de biens a la dame Par dieu dit la dame iehanne ie ne puis rien auoir de mon mari mais il fait que fol fil me hait Par dieu iehanne iayme tant celui de piefca que mon cuer ne se pourroit adonner a autre Par mon ferment cest grant folie que de mectre lamour en homme du monde Car ilz ne sont comte des pources femmes

quant ilz sont seigneurf dellef tant sont traictres
Et le galant vient dautre part qui parle a la cham-
beriere Et luy dit en ceste maniere Jehanne mamie
fait il a ioinctes mains ie vous prie humblement
que vous faces bien ma besongne Et par ma foy
vous feres ma maistresse a iames Par mon ferment
fait elle se ie puis ie lui en parleray pour lamour
de vous Et par ma foy oncques mais de telle chose
ie ne me meflay Helas mamye conseilles moy que
ie feray Par mon ferment fait elle le meilleur fera
que vous parlez a elle et est la chose bien venue
a point Car son mari la refusee dune robe que elle
lui auoit demandee dont elle est bien courroucee
Je conseilie que vous soies demain a lesglise et la
salues et lui dictes vostre fait et lui presentes ce
que luy vouldres donner combien quelle nen prendra
rien mais elle vous en prifera mieulx et verra vostre
largeffe Helas mamie iaymaffe mieulx que elle print
ce que ie lui baleray Par ma foy faict elle elle ne
le pendra pas mais ie vous diray que lui pourres
faire apres ce que vous lui aures offert ce que
vous lui vouldres donner et quelle laura reffuse
vous le me bailleres et ie ferai tant au moins se ie
puis quelle le prendra Vrayement iehanne vous
dictes trefsbien Ma dame fait la chamberiere il y
a long temps quil ne furent a leur aise Et quoi
fait la dame ce que vous faues fait la chamberiere
Comment fait la dame Certes il parlera a vous
demain a lesglise et vous comptera sa besongne
Gouuernes vous sagement et lui faictes lestrange
Touteffoys ne lestranges pas tant tenes le entredeux
et en bonne esperance Or va la dame lendemain

a lesglise et le galant y est paffees a trois heures en bonne deuocion dieu le fcet Il se tient en lieu ou il lui puiffe donner de leaue benoicte ou honte lui feroit et aux autres femmes qui font avecques elle et celles len mercient Mais le pouure homme leur feroit bien plus grant seruice fil pouuoit Il a aduife que la dame eft demouree feulete a fon banc qui dit fes heures et se contient doucement comme vne ymage Et dieu fcet felle eft bien trecee proprement a fon pouoir Il faproche delle et parlent enfemble Mais elle ne lui veut rien dire et ne veut rien prendre de lui Mais lui refpont tellement quil congnoit quelle layme bien et quelle ne craint que defhonneur dont il eft bien aife Il depart de la dame et de la chamberiere Lors entreront en leur colacion et concluent de leur befongne et dit la chamberiere Je fcaay bien ma dame quil a grant enuye de parler a moy Mais ie lui diray que vous ne lui voulez riens faire de quoy ie fuis bien marrie tant ay grant pitie de lui et lui diray que monfieur eft alle dehors Et quil viengne deuers le soir Et ie le mectray en vouftre chambre ainfy comme fe vous nen scauies rien Et fi feray femblant deftre marrie affin quil vous en prie mieulx Et puis apres demourra plus largement mais ie auray deuers moy ce que il vous voudra donner Car il me le doit bailler demain Et ie lui diray que vous ne laues voulu prendre et puis que ainfi eft que la chofe eft faicte que il vous donne pour auoir vne robe et vous me blameres fort deuant luy dont ie lay retenu Et pourquoi ie ne lui auoie rendu Mais quoy que ce foit ie mectray la chofe

feure Car par dieu ma dame il en y a de si rufes
quilz en ont trompe maintes Or auant iehanne
faictes ce que vous voudres Lors fen va le galant
qui lui demande quelles nouuelles de fa dame Par
dieu fait elle ie lay trouee a recommencer Mais
pour ce que ie men fuis meflee ie vous diray bien
que vous feres Vous vous en viendres encores a
ceft soir mais iay paour que elle men acufe a son
mary ou a fes amis Je fcai bien que felle voulfrit
prendre ce que vous lui voules donner que vofre
befongne fust faicte tantoft Et par dieu ie me ef-
faieray encores de lui faire prendre car il eft bien
a point Car fon mari eft dehors et la refufee dune
robe dont elle a fi grant enuie que cef merueille
Lors le galant lui baille xx ou trente efcus et ie-
hanne lui dit Voycy que iay aduife Par dieu fire
vous eftes homme de bien Et ne fcai qui ma
troublee par mon ferment ie ne fis oncques pour
homme ce que iay fait pour vous Et fauez le grant
peril et danger ou ie me mettz Car fil en eftoit
fceu vgne feule parole il feroit fait de moy mais
pource que iai en vous parfaicte fiance ie vous
feray vne chofe Je me mettray a laduanture Je
fcai bien quelle vous ayme bien Et pour ce que
mon feigneur eft dehors vous viendres encores en-
nuit a douze heures bien fecretement et ie vous
mettray en fa chambre Elle dort toufiours bien
fort car ce nef que vng enfant Et vous vous cou-
cheres avec elle Car autre remede ie ny voy Et
a lauanture vofre befongne fera bien Car quant
vng homme eft nu a nu avec vne femme fans autre
choufe pour voir cef grant chofe car elle fait

a lesglise et le galant y est paffees a trois heures en bonne deuocion dieu le fcet Il se tient en lieu ou il lui puiſſe donner de leaue benoicte ou honte lui feroit et aux autres femmes qui ſont avecqueſ elle et celles len mercient Mais le pouure homme leur feroit bien plus grant ſeruice ſil pouuoit Il a aduiſe que la dame eſt demouree ſeulete a ſon banc qui dit ſes heures et ſe contient doucement comme vne ymage Et dieu ſcet ſelle eſt bien trecee proprement a ſon pouoir Il ſaproche delle et parlent enſemble Mais elle ne lui veut rien dire et ne veut rien prendre de lui Mais lui reſpont tellement quil congnoit quelle layme bien et quelle ne craint que deſhonneur dont il eſt bien aiſe Il depart de la dame et de la chamberiere Lors entreront en leur colacion et concluent de leur beſongne et dit la chamberiere Je ſcay bien ma dame quil a grant enuye de parler a moy Mais ie lui diray que vous ne lui voulez riens faire de quoy ie ſuis bien marrie tant ay grant pitie de lui et lui diray que monſieur eſt alle dehors Et quil viengne deuers le foir Et ie le mectray en vouſtre chambre ainſy comme ſe vous nen ſcauies rien Et ſi feray ſemblant deſtre marrie affin quil vous en prie mieulx Et puis apres demourra plus largement mais ie auray deuers moy ce que il vous voudra donner Car il me le doit bailler demain Et ie lui diray que vous ne laues voulu prendre et puis que ainſi eſt que la choſe eſt faicte que il vous donne pour auoir vne robe et vous me blameres fort deuant luy dont ie lay retenu Et pourquoi ie ne lui auoie rendu Mais quoy que ce ſoit ie mectray la choſe

feure Car par dieu ma dame il en y a de si rufes
quilz en ont trompe mainctes Or auant iehanne
faictes ce que vous voudres Lors fen va le galant
qui lui demande quelles nouuelles de fa dame Par
dieu fait elle ie lay trouee a recommencer Mais
pour ce que ie men fuis meflee ie vous diray bien
que vous feres Vous vous en viendres encores a
ceft soir mais iay paour que elle men acufe a fon
mary ou a fes amis Je fcai bien que felle voullit
prendre ce que vous lui voules donner que voftre
befongne fust faicte tantoft Et par dieu ie me ef-
faiieray encores de lui faire prendre car il eft bien
a point Car fon mari eft dehors et la refusee dune
robe dont elle a fi grant enuie que cest merueille
Lors le galant lui baille xx ou trente escus et ie-
hanne lui dit Voycy que iay aduife Par dieu fire
vous estes homme de bien Et ne fcai qui ma
troublee par mon ferment ie ne fis oncques pour
homme ce que iay fait pour vous Et fauez le grant
peril et danger ou ie me mettz Car fil en estoit
fceu vgne feule parole il feroit fait de moy mais
pource que iai en vous parfaicte fiance ie vous
feray vne chose Je me mettray a laduanture Je
fcai bien quelle vous ayme bien Et pour ce que
mon feigneur eft dehors vous viendres encores en-
nuit a douze heures bien fecretement et ie vous
mettray en fa chambre Elle dort toufiours bien
fort car ce neft que vng enfant Et vous vous cou-
cheres avec elle Car autre remede ie ny voy Et
a lauanture voftre befongne fera bien Car quant
vng homme eft nu a nu avec vne femme fans autre
choufe pour voir cest grant chose car elle fait

estrange responce de iour quelle ne fera pas a celle
 heure en tel cas Ha iehanne mamie fait le galant
 il ne fera iames que vos nayas maille a mon denier
 Quant vient la nuyt le galant vient ainfy comme
 iehanne lui auoit ordonne qui a bien tout deuise a
 sa dame secretement Et adoncques quant le galant
 est venu la dame fait semblant de dormir Et le
 galant la veult embrasser Et elle treffault et dit qui
 effe la Mamie fait il ce est moy A par le sacre-
 ment de dieu il ne yra pas ainfi Elle se cuyde
 leuer et appeller iehanne qui ne sonne mot et elle
 dit Haa ie suis trahye Lors bataillent ensemble
 par maintes manieres et se courrouce Et a la fin
 la pource femme nen peut plus Et entre en la grosse
 alaisne Et sabeiße forment qui est grant pitie car
 cest pou de chose digne femme seule Et se neust
 este de paour de deshonneur elle eust bien crie
 plus hautement quelle ne fit et vault mieulx de sen
 tayre puis que ainfi est Ilz acordent leur vielle et
 leurf chlemeaux et entreprennent de eulx donner
 bon temps Ainfi se font les besongnes au mari qui
 est bien apoint Or a la dame la robe que son mary
 ne luy a pas voulu donner qui lui couste et coustera
 bien cher Or fait tant la dame que sa mere lui
 donne le drap deuant son mary pour oster toutes
 suspicions et doubtes quil pourroit auoir Et aussi
 la dame a fait acroyre a sa mere que elle a achepte
 le drap de ses menues besongnes quelle a vendues
 sans ce que son mary en ait rien sceu ou a laduan-
 ture le scet bien et ce aduient bien souant Apres
 ceste robe cy en vient vne aultre Cest a dire quil
 fault que la dame en ayt vne autre et deux ou trois

fainctures d'argent ou autres choses pourquoy le mari qui est malicieux et auaricieux comme iai deuant dit se doute ou a veu aucune chose qui ne luy plait pas ou lui en a este parle daucune personne son ami car au long aller il fault que il soit sceu Lors il entre en la rage de ialousie maintenant se met en aiguet Maintenant fait semblant daller dehors Et vient de nuit subitement pour cuider surprendre les gens Mais il ne est pas ainsi aise a faire Maintenant se caiche en sa chambre Et a lauanture voit beaucoup de choses dont il se tempeste et elle replicque bien Car elle se sent bien rusee et de bonne lygnee Et lui remembre bien fouuent ses amis qui aucune fois lui en parlent Or sont en riote et le bon homme naura iames ioye Il fera doresnauant serui de menfonges et le fera len paistre Sa cheuance se diminuera Son pouure corps seichera Il en laiffra ses besongnes a faire Briefuement iames bien naura Et ainsi demourra en la nasse ou il prent toutes ces penes deffusdictes pour ioyes Car sil ny estoit il ne cesseroit iames iusques a tant quil fust dedens boutte au plus parfond Et ne voudroit pas quil fust autrement Ainsy le bon poure homme viura en grant chetiuete et en languissant tousiours Et si fera ennasse et en la nasse bien fort embarre et miserablement finira ses iours





LA fixte ioye de mariage si est quant celuy qui est marie a endure toutes les peines et les trauaulx que iay declares ci deffus ou aucune dicelles Et par especial il a femme de fauce et diuerse condicion Et son mari est vng bon homme qui a trefgrant amitie auec elle Et lui fait tous les plaisirs quil peut Et ia soit ce quelle soit preude femme elle met toute son entencion destre maistresse et de sauoir des besongnes de son mari et fust il ores president et sen veult entremectre et faire responce aulcunefois se mestier est Toute condicion de femme et dautres Leur nature est telle quelque mari quelle ait Et ia soit ce quelle est bien aise et ne luy fault rien elle met tousiours son entencion de mettre son mari en aulcun soing et pensees Et aulcunefois aduient que le mari et la femme en leur chambre toute vne nuit et demi iour deuers matin sont en toutes ioies et le mary la baise et sapareille ioieusement et font bonne chere Et sen va faire aprestre a disner et penser de ses besongnes par la maison Et quant il est temps de disner il appelle la dame mais vne des seruantes ou vng des enfans vient dire que elle ne disnera point Allez lui dire fait le bon homme quelle viengne Lors sen va la seruante ou lenfant et lui dist Mon seigneur vous mande que vous viengnes diner Car il ne mengera iusques vous soies venue Va lui dire que ie ne disneray point

Lors on lui fait la responce Et le bon homme vient a elle et lui dit mamie fait il quauel vous et elle ne sonne mot Et le bon home vient et enquierit quelle a et sen esbahit fort combien que il ait aucune fois veu iouer le personnage Mais pour enqueste quil face il nen aura autre chose et en effect elle na riens mais se ioue ainfi et a laduanture ne voudra point disner pour chose quil puisse faire Aucunesfois il fait tant quil lemmaine par deffouz leselle comme vne espousee et sen vont disner Et est la viande toute froyde tant la fait actendre Et encores fera telles manieres et contenances Car aucunement ne mangera ne lui aussi Car il est si beste que il sen donne mal aise et de tant que il laura plus chere et de tant lui fera plus de melencolies pour lui donner souffi et fait trefbien Car vne femme na que faire de acquerir la grace dun homme qui layme grandement et qui lui fait tous les plaisirs quil peut Mais elle doit bien faire compte dacquerir lamour de celui qui ne tient comte delle par belles chieres Par semblans et lui semble que elle fait beau fait quant elle fait son mari plainde souffi et de pensees il aduient aucunesfois que le seigneur va dehors a ses besongnes et a ses affaires et maine vng ou deux ses amys auecques lui en sa maison pource quil a afaire deux ou ont congnoissance a soy Et aduient aucunesfois que quant il est dehors comme dit est il enuoye le varlet premier deuers sa femme en la priant que face trefbien appareiller pour faire bonne chere a ses amis quil a amenes auec soy Car il leur est fort tenu et a afaire deulx en la priant aussi que face aprester

des viandes tant que soient bien aises Le varlet
 arriue deuers la femme et la salue et dit Ma dame
 fait il monffieur vient icy au giste et viennent avec-
 ques lui deux hommes destat en vous priant que
 vous faces bien aprestre au soupper Et la dame
 lui respont Je nay que faire de ces festes Que
 ny est il venu lui mesmes Je ne scay ma dame il
 ma ainfy dit ce dit le seruiteur Dieux dit elle tu
 es vn mauuais garfon Lors le varlet se taist et la
 dame sen entre en vgne chambre Et est telle qui
 ne fait autre chose Et qui pis est enuoye tous ses
 seruiteurs les vngs deca les aultres dela et les filles
 selle en a ou les chamberieres qui demorent a lostel
 sont bien aprises quelles doyuent dire au bon homme
 quant il sera venu Or sen vient le bon homme le
 premier et appelle vne des filles ou des chambe-
 rieres Lors demande le bon homme se tout est
 apreste Par ma foy ce fait elle monseigneur ma
 dame est malade et ny a rien fait Le bon homme
 est bien courrouce et mainne ses amis en la salle
 ou ailleurs selon lestat dont ilz sont et nya rien
 prest Ne demandes pas sil est bien aise Car a
 laduanture ses amis quil a amenes virent bien quant
 il enuoia son varlet deuant dont ilz peuvent noter
 que tout ce que le seigneur demande ou commande
 nest pas arrest de parlement Le bon homme sonne
 et appelle ses gens mais a laduanture il ne trouue
 que vn pource varlet ou vne pource chamberiere qui
 ne peut riens faire Il vient a la chambre de la
 dame et lui dit Que nauez vous fait ce que iauoie
 mande Sire fait elle vous commandes tant de choses
 quon ne scet auquel entendre Saincte marie en foi

gratant la teste Vous me faictes le plus mal du monde veezcy les gens a qui ie suis plus tenu quen puis ie mais ce fait la femme ne que voules vous que ien face Nous auions bien a faire maintenant de voz coufins Par ma foy il pert bien que vous nestes pas sage mais au fort faictes en a vostre guise car il ne men chault Je vous demande belle dame Pourquoi auez vous enuoie les varies dehors et fauois ie bien fait elle que vous en euffies a fayre combien que elle les ait enuoies tout en effyant et par despit du bon homme Lors lui qui veult entendre a supplier a la faulte haiffe les paroles et sen va bien dolent car il aymast mieulx a lauanture telles gens pouoient ilz estre auoir perdu cent escus dor mais a la dame ne chault de tout ce Elle le congnoit bien il ne la mordra ia car elle la autrefois veu Briefuement il tourne par la maison et ralie ce quil trouue de ses genf et fait tout le mieulx quil peut Or demande le bon homme des toailles ouurees et blanches mais on lui respont quil ne en peut point auoir Il va deuers la dame Et luy dit que les seigneurs qui sont ses parens lont bien fort demandee Si la prie moult doucement quelle vienne les festoier et faire bonne chere Et certes ce fait elle sire ie nyray point ilz sont trop grans maistres ilz ne priferoient rien pouures femmes Lors a lauanture elle yra mais s'elle y va elle fera telle contenance quil vaulfit mieulx quelle ny entraist ia car ses amis congnoissent bien la maniere et que gaires ne lui plaist leur venue Et se elle ny vient il demande des touailles blanches Des toailles fait elle Il en y a de belles et de

bonnes et pour plus grant maistres quilz ne font
 et dauffy bon lieu comme ilz font ilz ne en auront
 nulles autres Et auffy toutes les autres sont en la
 buée non pourtant ie ne le dis pas pour les tou-
 ailles mais auffy ay ie perdu les clefz defhuy matin
 vees la chamberiere qui les quiert en celle paille
 de lict car ie ne scay que ien ay fait pour ce que
 iay tant a faire que ie ne scai auquel courre et en
 ay la teste toute rompue Vrayement fait il ie suis
 bien trompe Et vraiment ie rompray les coffres
 Par ma foy fait elle vouf feres vne belle chose Je men
 actens a vous Et voudroie que vous les eussies
 desfia despeffies gastes Lors il ne scet que faire et
 sapaise a ce quil trouue et cuyde que elle die voir
 Ilz vont a table Or conuient il auoir du vin fres
 dune playne pipe Car celui qui est en despence
 nest pas asses bon On ne peut Car la dame ne
 le veult pas et ny a fourmage ne autre chose
 mais conuient a lauanture en aller querir cheux les
 voisins Le page du bon homme est avec les pages
 des autres voisins en lestable Et leur compte com-
 ment la dame si fait la malade tant est courroucée
 de ce que leurs maistres sont venus Or saprouche
 le temps daller coucher et ne peut auoir le bon
 homme de linceux blancs pour les clefz qui sont
 perdues ne naura oreiller ne courecher et faut quilz
 couchent en linceux commun Et sen vont le matin
 les amis qui ont bien congneu la contenance de la
 dame Et leur varlet leur comptent sur le chemin ce
 que le page du bon homme leur auoit conte Si sen
 rient en cheuauchant Et touteffois ilz ne sont pas
 bien contents et dient quilz ny entreront mes de

pieſce et vauſit mieulx auoir perdu au bon homme
beaucoup du ſien qui les auoit amenes Quant vient
au matin il veult parler a la dame et lui dit Vraye-
ment dame ie me eſmerueille de voſtre maniere
Ne ie ne me ſcauroye gouuerner avec vous Aue
maria fait la dame y a il tant afaire a moi Je ne
fine tous les iours de nourrir porcs poucins et
canes Et ie filles et trauailles et fais tout le mieulx
que ie puis et encore ne puis ie auoir vne ſeulle
heure de bon repos et vous ne trauailles ſinon a
deſpendre et degaſter tout et a gens dequoy ie nay
que faire Que faire fait il ce ſont gens qui nous
peuent bien aider ou nuire Lors ſouuient au bon
homme que quant vng iolis galant y va il ny a riens
eſpargne et touteſſoit le bon homme lui a dit quil
ne veult point quelle latire en ſa maiſon car il nya
que faire Et elle reſpont ie ly ferai venir Adonc
commence la noiſe Le bon homme dit de quoy il
fait que fol Par le ſacrement de dieu ſe ie ly trouue
et quil parle a vous ie vous feray la plus cour-
roucee que vous fuſtes oncques Par ma foy fait
elle il ne men chault ſil eſtoit pendu mais ainſi eſt
que qui ne peche ſi encourt Se ie fuſſe femme
qui ſe gouuernait mauuaieſement ie ne men eſbahiffe
pas tant et fiſſe mieux que ie ne fais Or ſont en
noiſe et a lauanture par malice de lui ou d'elle il
ſont vne grant pieſce ſans coucher enſemble Et
ce eſt ce quelle demande car a laduanture leſcuyer
dont il parle y viendra la nuit par luy de derriere
ou montera par vne fenestre Apres conuyent que
la choſe ſapaye Et conuient que le bon homme
comence la paix et la ſlate Car la femme veult

estre toufiours flatée et croit de legier mais que ce
soit a sa louenge Lors passe ainsi le temps iusques
que a laduanture le bon homme trouue la dame
parlant a lescuyer dessus dict en sa maison ou a
lesglise ou a vne feste ou elle auoit este dont il
entre en vne grant ialousie plus quil na este Il se
deffait et entre en grandes pensees Il espie et en-
quiert dont il fait que fol Car noble cueur domme
ne peut ne ne doit enquerir du faict des femmes
car se vn homme sauoit vne fois la faute de sa
femme il en feroit en tel point que iames nul me-
dicinne le gariroit Et puis il enquiert et serche sa
honte et il la trouue Cest bien raison quil endure
le mal et la honte que il a tant serche Et en ce
cas ie le tiens pour perdu car toufiours il lui court
peril de ses biens et de son corps Vielleffe le fur-
prendra et sabestira et affotira du tout par le droit
du ieu Ainsi est en la nasse enclos en douleur et
en tristesse quil prent pour ioie veu quil ne voudroit
pas quil fust autrement Ainsi demourra entierement
toufiours Et finira miserablement ses iours





La septieme ioie de mariage sy est que aucune fois cil qui est marie troue vgne femme bonne galeise qui ne refuseroit iames raison quant on la lui offre mais fachez combien quelle soit preude-femme ou autre Il y a vne rigle generale en mariage que chascun si croit et tient que le mari est le plus meschant et le moins puissant quant au regart du mestier secret que tous les autres du monde Et auient souuent que quant le ieune homme est vert et recroquille se marie a vne fille bonne et preude qui prennent des plaisirs ensemble tant que cest merueille Et tout ce quilz en peuvent prendre par vng ou deux ou trois ans ou plus quilz refroidissent leur ieunesse mais la femme ne se degaste pas si tost comme lomme de quelque maniere quelle soit pource que la femme ne prent pas tant de peines et de souffis que fait le bon homme Et se ilz ne faisoient ores riens sinon foulacier et iouer si seroit lomme plus tost gaste quant a ce mestier Il est vray quant la femme porte enfans tant que elle est grosse et empeschee a lenfantement a grant peine et grant douleur Mais tout ce ne est rien a comter a vn foucy que vng homme raisonnable prent des pensees parfondes pour aucunes choses quil a a faire Et quant de la peine et de langoisse de lenfantement ne men merueille non plus que de vgne oye qui met hors de foy vng gros oeuf comment le

poing par vn petit pertuis ou par deuant ne penſies
mectre voſtre petit doſ Et auſſi eſt grant choſe a
nature de faire de lun comme de lautre Et ſi verres
touſiours vne geline ponnant tous les iours plus
grace beaucoup que vng poulet car le poulet eſt ſi
beſte quil ne penſe et ne fait tous les iours que
amaſſer vitailles pour elles et leur baille a la bouche
et la geline ne ſe eſmaie que de menger et ſe tient
bien aïſe Et ainſi le font les preudomes maries
qui en font bien eſbloues Et apres aduient ſans
faillir que lomme eſt fort vſe et eſtrye qui touſiours
a peines et trauaux et ſouffry Et touſiours penſe
ailleurs Il ne ſaplicque plus a tel eſbat ou bien
pou ſe ce ne eſt pour complaire a ſa femme comme
il ſouloit Et auſſi ne le pourroit il faire et ſe laſſe
de tout en celui cas Et la femme ne ſen laſſe point
mais eſt en celui meſtier auſſi chaulde quelle fut
oncques Et pour ce que ſa liuree ſi ſe diminue
chascun iour pour les delictz et plaifances du mary
tout tourne en noyſe et en riocte Et ainſi com-
ment ſa liuree diminue petit a petit ilz ſe commen-
cent a rechigner quant la liuree ne ſouffit pas a la
dame poſe ores que ſoit preudefemme et que elle
na nulle volente de mal faire ſi ne laiſſe elle paſ a
croire que ſon mary ne ſoit de moindre pouoir que
les autres et a meilleur raïſon de le croire pource
quelle ne effaya oncques dautre que de lui et il ne
lui ſouffit pas Car par raïſon vn homme doit ſouf-
fire a vne femme ainſi comme dieu et leſgliſe lont
ordonne et ordonnerent que chascune en euſt vng
Et aucunesfois ſe mectent a laduanture de eſſaier
ſe les aultres ſont dauſſi petit pouoir comme leur

mary et lors celle qui en effaie a lauanture le croit mieulx que deuant Car aucunefois elle prent vn compaignon dont elle ne peut finer sinon a paour et a grant goullees Mais quant il y peut auenir il y fait merueilles Car il est tout affame Et elle auoit tenu son mary a mescheant par auant et de petit pouoir Encores apres ce mieulx le croit car les choses plaifantes sont tousiours meilleures que les autres Et ainsi elle le croit maintenant seurement Car esperance est la maistresse Et aduient aussy que celle qui se marie qui est bonne galaife et entend bien raison quant on la luy dit laquelle croit aussy bien de son mari comme lautre que iay dit Car a laduanture elle en a effaie daultres dont le fait est plus grant que nest celluy du bon homme qui ne sen donne pas grant melencolie ne peine Car il scet bien quil la trouuera tousiours pres de lui Et saches que les hommes font le contraire de ce que dit est Car quelque femme quilz aient ilz croient generallyment quelles sont les meilleures et les plus sages de toutes les autres Mais aucunefois la rigle fault Et cest entre aucuns rybaux desesperes sans raison qui nont point dentendement Et voit on volentiers que plusieurs maris louent leurs femmes et racomptent les biens qui sont en elles Et ne leur est point aduis que il en soit nulles meilleures ne pareilles ne la ou ilz peussent trouer tant de biens ne sy bon appetit comme en elles Si voit on volentiers que quant vne femme est veeue elle se remarie tantost a vng autre Et aucunefois elle nactent pas vng mois a soy remarier pour essayer se lautre est de si petit pouoir comme celui

qui est trespasse et aduient aussi aucunesfois quelle ne lui tient ne foy ne leaute Si aduient aussi que femme met a perte et degaste tout par son maluaiz gouuernement Et baille follement les biens de son mari quil acquiert a grant trauail selonc l'estat dont il est Or les despens en moult de manieres tant a son amy a vielles macquerelles que a son confesseur qui est cordelier ou iacobin qui a grosse pension pour lassouldre chascun an Car telles gens ont tousiours le pouoir du pape Et le bon homme son mary se contient le plus sagement quil peut sans faire grans despens et compte ce quil peut auoir de reuenue de sa marchandise selonc l'estat dont il est Et puis regarde sa despense Si troue tout compte et rabatu que son fait ne va pas bien Adonc est il en grant souffry et quant il est en son retrait il en parle a sa femme quil ayme plus que foy mesmes Et dit ainsi Mamie vraiment ie ne scay que nos biens deuient soit vin soit ble argent ou autres choses Et quant a moy ie ay tousiours l'ueil pour regarder a gouuerner nostre fait tant que ie n'ose pas auoir vne bonne robe Vraiment mon amy ie me esbahis aussi bien comme vous faictes Et aussi ie ne scay que ce peut estre car ie le cuide mener et gouuerne le mieulx que ie puis Si ne scet le bon homme ou il tient et en vient a pourete Et ne scet que penser fors seulement quil dit et concludt quil est ainsi malheureux et que cest fortune qui lui court sus et qui regne contre luy ne ne croira iamais chose qui lui soit dicte contre sa femme ne aussi il ne trouuera iames personne qui lui en die ou dauanture fera car celui auoit bien

pou affaire veu que apres il fera le plus grant ennemi quil puiſt auoir Et aduient aucunesfois quil a vng bon ami qui voit tout le gouvernement qui y eſt et ne ſe peut tenir de le dire quil ſe donne garde ſur ſa maiſon ſans plus lui en dire Car a laduanture luy dira tout clerement le faict comme il eſt dont il ſera bien eſbahis Si ſen va le bon homme faiſant mauuaife chere de quoy ſa femme congnoit bien quil a quelque choſe et ſe doubte a laduanture de lautre quil luy a dit pource quil lauoit fort blaſmee autrefois Mais ſe dieu plaift elle ſen cheuira bien Et le bonhomme nen dit plus mot et ſe penſe quil leſſaiera Mamie dit il il me fault aller dehors a douze lieues de cy Et quoy faire mon amy ce fait elle Il me y conuient aller pour telles choſes et telles Jaymaſſe mieulx mon ami que vous y enuoiffies vng varlet Je yray fait il car ie y auroie grant dommage ſe ie ny alloie mais ie ſeray venu dedens deux iours Lors ſen part et fait ſemblant daller dehors et ſe met en lieu que ſil venoit rien en ſa maiſon il le ſcauroit bien et la dame qui a bien ſceu ce quon a dit a ſon mary mande a ſon amy quil ne viengne pas pour choſe qui ſoit car elle ſe doubte bien de lembuche Ainſi ſe gouuerne fagement la dame la dieu mercy a ſon mary qui ny trouuera ia faulte Quant le bonhomme a bien oreille et eſcoute il fait ſemblant de arruyer en ſa maiſon et fait bonne chere car il ne croit mes que tout ſoit menſonge de ce quon luy a dit de ſa femme qui tant lui fait bonne chere Et le baiſe et lacoſe ſi doucement Et penſe que il neſt point a croire que ſa femme fiſt telle

chofe et lui eft bien aduis que il nen eft rien Et quant il eft en fon fecret il dit a fa femme Vrayement on ma dit aucunes paroles qui ne me plaifent gueres Par dieu mon amy ie ne fçay que cefte mais il y a grant piece que vous faictes mauuaife chere Jay eu grant paour que vous neuffiez quelque dommage grant ou que aucun de noz amys fuſſent trespaffes ou prifonniers des angloys Ce neſt pas cela fait il mais cefte pis que vous ne dictes Aue maria fait elle et quelle choſe peut ce eſtre ſe il vous plaift vous le me direz Certes vng qui eft bien mon amy ma dit que vng tel vous maintient et affes dautres choſes Lors la dame ſe feingne et fait grans admiracions Et ſe prent a ſoubzrire et dit Mon amy ne faictes ia pire chere Je voudroye auffi bien eſtre quicte de tous mes pechez comme ie ſuis de celui Adonc elle met ſes deux mains ſur ſa teſte et dit Mon amy ie ne iureray de ceſtui tant ſeulement Mais ien donne au dyable tout ce qui eſt ſoubz mes deux mains ſe oncques bouche domme toucha a la mienne finon la voſtre et a voz couſins et aux miens et par voſtre commandement Fy fy fait elle eſſe cela Mon ami iay grant ioie que le mauez dit Car ie me doubtoie que ce fuſt aultre choſe et ie ſçay bien dont ſont venues ces paroles Mais pleuſt a dieu que vous ſceuffiez bien pourquoy il les vous a dictes Par ma foy vous en ſeries bien eſbahi pour ce quil ſe fait tant voſtre amy mais ie ſuis bien aife car il a reſueille le chat qui dort Et que y a il dit le bon homme Ne vous chaille mon amy dit elle vous le faures bien vne autre fois Vrayement ie le vueil

fauoir Par dieu mon amy fait elle iestoye bien
côrouuee que le faissiez venir si souuent ceans et
laissioie a le vous dire car vous laymies tant Dictes
le moy fait il Certes mon ami il nest ia mestier
que vous le fachez Dictes le moy ie vous en prie
Lors elle le baïse et lacle trefdoulcement et lui
dit Haa mon tref doulx seigneur et amy Et me
vouloit il faire mal de vous le faulx traître Or me
dites mamie que cest Par ma foy mon ami que
iayme sur toutes choses qui sont en terre le traître
en qui vous vous fiez ma prieie plus de deux ans
entiers pour vous trahir mais si len ay ie bien re-
fufe Et y a mis grant peine en maintes manieres
Et quant vous cuidies quil venist ceans pour lamour
de vous il ni venoit que pour vous trahir Ne il nen
vouloit cesser iusques que ie lui dis que ie le vous
diroie Car il ne men challoit pour ce que ie suis seure
de moy et ne vouloie point mectre de noïse entre
vous et lui Helas ce nest pas la faulte quil ne vous
a fait honte Sainte marie fait le bon homme il
est bien traître Car iames ne me doutasse de lui
Par dieu mon seigneur se il entre ceans et que ie
fache que parlez a lui ie ne tiendray iames mesnage
auecques vous Car par ma foy de moy nauez vous
garde Se dieu plait ie ne commencerai pas main-
tenant Je prie dieu a ioinctes mains que quant il
men prendra volente que le feu descende du ciel
qui marde Helas mon ami fait elle en lacolant
moult doulcement bien feroie faulce se ie vous fai-
soie mauuaïstie qui estes si bel et si bon et voules
tout ce que ie veul Je veul que vous deffendes
vostre hostel a celui de qui il ma faulcement acufee

combien que au diable soit lame de moi fil men parla
 oncques mais de par dieu ie ne veul point quil
 viengne en lieu ou ie foye Lors se prent a plourer
 Et le bon homme lapaife Et lui promet et iure
 quil tiendra tout ce quelle a dit Sinon quil ne def-
 endra pas sa maison au compaignon Toutefois il
 ne fera iames quil nen ait aucun remors et le cuer
 chargie Conclusion son amy qui lui auoit dit par
 grant amytie fera le plus grant ennemi quil ait
 Ainfi est le bon homme abesti Or a il du menage
 et est en la nasse enclos Et fera mieulx la dame
 en sa guise quelle ne fist oncques Et nen parle
 iames nul homme car il ne en croira riens et celui
 qui faisoit la vilennie fera le meilleur amy quil ait
 Viellefse le surprent et a laduanture cherra en
 pourete de laquelle iames ne se relieuera Cest la
 plaifance quil a trouee en la nasse Lun luy dit
 quil est bien iohan Lautre le monstre au doyt
 Lautre dit que cest grant dommage Lautre dit que
 il ne peut chaloir et que ce nest que le droit du ieu
 Ainfi vit en pascience et en douleurs que il prent
 pour ioyes veu que il ne voudroit estre autrement
 Ainfi demourera toufiours Et finira miserablement
 ses iours





A huitiesme ioye de mariage si est que quant
celui qui est marie a fait tant quil est en la
se entre ou il a pris tous plaisirs par deux ou
ans Et commence fort a refroidir et veult en-
dre a ses besongnes car on ne peut pas toufiors
er es barres Et a lauanture il a eu asses de
schances dont il est fort debatue tant que il na
de de sen fouyr Et a laduanture sa femme a
ux ou trois enfans et est grosse Mais elle est
is malade de ceste grosse que de lautre don le
n homme est en grant souffi de lui querir ce
il lui fault Or saprouche le temps de lenfante-
nt ou elle est tant malade que cest merueille et
t que les femmes ont grant paour quelle nen puisse
happer Mais le bon homme la voue a saints et
sainctes et elle sest vouee a nostre dame de
hemadour Or aduient que nostre seigneur de-
re la dame dun bel enfant et fust le filz dun
Elle couche longuement et les commeres vien-
nt Et feront les leuailles grans et belles Si ad-
nt quelle a deux ou trois de ses comeres qui
t avecques elle en la maison pour galer et fera
duanture sil ni a quelque fatraf dont ie me tais
despendent plus de biens que le bon homme ne
ist pour tout son mesnage Le temps nouuel sa-
ouche si conuient aller aux champs et font leurs
reprises daller en voyage Et quel chose que les

maris aient a faire a elles ne chaut Lors la dame
dont nous parlons dit Vrayement ma commere ie
ne scay comment ie puisse auoir congie De cela
ie ne men esmaies point par dieu ma commere
nous yronf tous ensemble et nous esbatrons bien
Or ont entreprins le voiage et se departent densemble
La dame dont nous parlons sen vient en sa maison
et fait mauuayse chere Et aussi le bon homme vient
de la ville ou de ailleurs de ses besognef et lui de-
mande quelle a Sire ce fait elle ie suis courroucee
car nostre enfant est malade Le bon homme est
bien courrouce et doulent et le vient veoir Et
quant il le voit les larmes lui viennent aux yeux
de pitie quil en a La nuit vient Et quant ilz sont
a leur priue la dame sospire et commence a dire
Vraiment mon ami vous mauez bien oubliee Com-
ment mamie fait le bon homme Vous souuiet il
pas fait la dame que ie fus malade de nostre enfant
Et que ie me voue a nostre dame de rochemadour
et vous nen faictes compte Et dieu mamie et ne
sauiez vous que iay tant a faire Par dieu ie ne feray
iames aise tant que ien soie quicte et par ma foy
ma creance que lenfant en est malade Mamye
fait il dieu scet voustre bonne volente et la myenne
Haa fait elle nen paroles point car certes ie yray
fil plait a dieu et a vous Et aussi mes coufins telz
et mes commeres telles y viendront Et le bon
homme pense a ce voyage car a lauanture il na pas
bien tout ce qui lui faut Or conuiet il quil face
finance de cheuaux selon lestat dont il est et con-
uiet que elle ayt robe a cheuaucher Et a lad-
uanture yra vng gentil galant en sa compagnie qui

lui fera volentiers seruice Et aussi pourra bien
estre que le bon homme yra auecques elle et fil y
va il lui vaulsit mieulx estre demoure en son hostel
et deust il ores toufiours porter pierres sus son col
Et aussi elle ne feroit pas bien contente fil nauoit
peine et meschef Maintenant dit que elle a vn estie
trop long et lautre trop court maintenant dit que
le cheual trocte trop dur et en est malade mainte-
nant fault quelle descende et quil la remonte et
fault quil la maine par la bride pour passer vng
pont ou vng mauuaiz pas Et quant ilz seront venus
du voyage fil y a eu aucun bien elle dira quil est
venu de par soy et fil y a mal elle tenfera a son
mari Le sien se gastera tout le mefnage croiftra
Et la despenfe amoindrira elle dira quelle est gastee
des enfans quelle a portes La est le bon homme
en la nasse bien enclos en douleurs quil repute
pour ioyes Esquelles il fera et demorra toufiurs et
finira miserablement ses iours





LA neufyefme ioye de mariage eft quant le ieune homme fi eft mis en la naffe en la prifon de menage Et apres les delictz et plaifances qui y font nouuellement trouuees Et a laduanture la femme fera malle et diuerfe comme beaucoup et a laduanture il eft homme de bon gouuernement et ne luy a pas voulu ne ne veut fouffrir et y a eu plufieurs argumens entre eulx Et aucunefois y a eu de cops donnees Et pouez penfer que en trente ans ou plus quilz ont efte en cefte guerre quil a eu beaucoup a fouffrir Car il peut efte quil a eu vne grand partie des tribulacions et aduerfites deffus dictes et qui font contenues cy apres mais neant moins il demoure victorieux et na point efte envilany de fait ne de defhonneur Mais touteffois moult a eu a fouffrir qui bien y penferoit Car a laduanture il a de belles filles que il a fagement mariees Si aduient que pour les males nuitz et froidures quil a eues a acquerir cheuance ou pour viellefce le bon homme chet en langueur de maladie de goutte ou dautre chofe tellement quil ne fe peut leuer quant il eft affis en vng lieu Lors eft la chance retournee malement car la guerre eft finnee Et qui pis eft elle lui dit bien fouuent par haine quelle eft bien certaine que ce eft par fon peche Et peut on penfer que fe la dame eft deuant lui il dit a la dame Mamie vous eftes la chofe qui foit au monde

que ie doy mieulx aymer et vous moy Si faches
que ie ne fuis pas content de aulcunes chofes qui
me font faictes Vous fauez que ie fuis feigneur
de la maifon et feray tant que ie viuray mais on
nen fait pas femblant Car fe iefioie vng poure
homme qui allaft fon pain querant on ne me deu-
roit pas faire ce quon fait Vous fauez mamie que
iay mis grant peine et diligence a fouftenir voftre
eflat et voftre faict et noz enfans fe portent mal
enuers moy Et que voules vous quon vous face
dit la dame on vous fait du mieux quon peut et vous
ne faues que vous demandes Or belle dame taifez
vous Lors le filz fe rigole de lui et fe deppartent
la dame et le filz et empireront leritage qui ny
pouruoirra et ilz concluent enfemble que homme
du monde ne parlera a lui Le filz veult entrer au
gouuernement plus que deuant car fa mere le fouf-
tient et dient a chafcon que le preudomme eft entre
et retourne en effance Or lui conuient il prendre
tout en gre car autre remede ny peut il mettre Et
quant a moy ie croy que cefvne des plus grandes
douleurs qui foit fur terre Ainfi fait le preux-
domme fa penitence Et ainfi fera en gemiffemens
et en douleurs toufiours et finira miserablement
fes iours





LA dixiesme ioie de mariage est quant celui qui est marie sest mis dedens la nasse pource que il a veu les autres poissons qui se baignoient dedens se lui sembloit et a tant trauaille quil a trouue lentrete et peut on dire que on le fait entrer en la nasse de mariage come loyselleur fait les oyseaulx par certains autres oyseaulx affaicties puis sont prins chascun par vng pie et sont emportes en vng sac ou en vng panier Moulx fussent aises les pources oyseaux silz fussent en liberte comme ceulx qui vont de riuere en riuere charges de toutes viandes mais quant il voient les autres dedens ilz y entrent tous sinon aucuns oyseaux ruses qui ont veu et oy parler de la fourme et lont bien retenu mais non obstant tous ceulz qui sont maries dont nous parlons ont aduise a ce mestier le mains mal quilz ont peu ou a laduanture sans riens y aduifer et quoy quil soit il cuyde auoir ioies ou il est mis mais il trouue le contraire et aduient aucunesfois par aucunes choses qui leur dit que ce sont enuoustemens curateurs ou malefices que sa femme ne laymera iames Et dit a sa mere ou a sa cousine que quant elle est couchee pres son mari que la char lui pust tant comme se cestoit vne charongne et que iames ne lui fera amour ne plaisir et aduient souuent que telles femmes qui sont en tel estat ou vng homme que tant quilz soient ensemble ilz ne sont point

enuouftes mais faident bien de leurs membres Et
 quant elle feft bien prou efbatue de fon ami elle a
 aucuns amis qui traictent la paix avec fa mere et
 que die quelle a tousiours efté avecques foy La
 pource fille fen eftoit allée pource quil la vouloit
 afoier Et laimeroie mieux que la me leffies que
 la batre ainfi car ie fçay bien que ma fille ne vous
 a fait aulcune faute Or regardes felle eufte efté de
 mauuaiz gouvernement elle eftoit perdue Et aduient
 aucunefois quilz demandent a eftre fepares Le mary
 acufe la femme et la femme fon mary Ilz fe font
 mis en la nafte et en voulfiffent eftre dehors Il
 ne eft pas temps de fen repentir Ilz plaident fort
 en leur caufe Et aucunefois quilz ne dient ou
 aleguent chofes fouffifans pour venir a leur enten-
 cion le iuge dit par iugement quilz tiendront leur
 mefnage et les admonnefte En oultre les biens
 premiers ou ilz eftoient ilz ont ce lopin car ilz
 neftoient pas affes laz En oultre fe font fait moc-
 quer de eulx a tous qui deulx et de leur caufe ont
 ouy parler Aucunefois ilz dient caufe raifonable
 lun contre lautre par quoy le iuge par iugement les
 fepare Et il aduient aucunefoys que lun ou lautre
 fe maintiennent folement Et aulcunefois la femme
 va de chambre en chambre ou en vne bonne ville
 et fait tout fon plaifir ilz fe cuident eftre mis hors
 de la nafte et cuident eftre efchappes mais il font
 pis que deuant Or eft lomme gafté et affolé de
 quelque eftat quil foit et la femme auffy Ilz ne fe
 peuvent plus maryer la vie durant de lun ou de
 lautre Silz font de grant lieu leur nom eft perdu
 Car a laduanture vng galant la tiient en fa maifon

tu as fait Mais ce qui est fait est fait Je congnois
que tu es grosse Dy men la verite Par ma foy
dift la fille ie nen scay rien Il me semble fait elle
que quant vient au matin ie te voy vomir et faire
telle contenace et telle Vraiment ma dame il est
vray Ha fait la dame tu es grosse nen fonne mot
ne nen faiz semblant a personne du monde et garde
bien que tu faces ce que ie te commanderay Si
feray ie fait elle Naf tu pas fait la dame veu tel
escuier qui vient si souuent ceans Si ay vrayement
ma dame Or laduife bien Il y viendra demain Et
garde bien que tu lui faces bonne chere et de bonne
maniere et quant tu verras que autres gentilz hom-
mes et moy parlerons ensemble gecte tousiours
lueil sur lui et faiz ainsi Lors elle lui monstre com-
ment elle fera Et se il veult parler a toy escoute
le volentiers et doucement et lui respons bien et
courtoysement Et fil te parle damours escoute le
parler et le remercie mais dis lui que tu ne sces
que cest et que encores ne veulx fauoir et fil te
veut donner or ou argent si nen prens point mais
fil te presente anel ou aultre chose refuse le gra-
cieusement mais a la parfin prens le pour lamour
de lui fans y penser nulle vilanie Et quant il
prendra congie de toy demande lui se on le verra
mes empiefce Or sen vient le galant qui fera mis
en la nasse car la dame le veult marier s'elle peut
auecques la damoifelle car il est tresbien herite et
encores est simple Et semblera martin de cambray
qui en fera scaint par le cul Or sen vient le galant
veoir les damoifelles Car il y est trop aise Car
toutes ont tendu leur engin pour le prendre La

dame prent vng cheualier ou vng escuier et fassent
et les autres aussi pour parler et galler ensemble
et le galant se tient pres la fillete et parlent en-
semble Et se prennent par la main Et il dit Pleust
a dieu ma damoiselle que vous sceussies bien ma
pensée Et comment fait elle pourray ie la fauoir
se vous ne le me disies Penfies vous chose que
vous ne me doyes dire Par ma foy fait il nenny
mais ie voudroie bien que vous le sceussiez sans que
ie le vous disse Vraiment fait elle en riant vous
dictes chose qui ne se pourroit pas bien faire Sil
vous plaifoit fait il que ne leussiez a desplaisir ie le
vous diroie Sire ce fait elle dictes ce quil vous
plaira Car ie scay bien tant de vous que ne direz
ia chose qui ne soit tout bien Dame fait il ie ne
suis que vng pource gentil homme et scay bien que
ie ne suis pas digne destre vostre amy par amours
Car vous estes belle gente et gracieuse et plaine
de tous biens Mais sil vous plaifoit a moy faire
tel honneur que ie fusse vostre amy Je mose bien
vanter de bonne volente de vous faire tous les
playfirs que homme pourroit faire Je vous serueroie
et garderoie vostre honneur plus que le mien Grant
mercy fait elle fire Mays pour dieu ne me parles
point de telz choses Car ie ne scay que cest ne ne
vueil fauoir car ce nest pas ce que ma dame men-
seigne tous les iours Par ma foy ma damoiselle
ma dame dont vous parles est vne tresbonne dame
mais elle nen scauroit ia riens Et beau fire ie ouy
parler lautre iour de vous marier bien mesmerueille
dont vous vient parler de telles paroles Par ma
foy ma damoiselle fil vous plaifoit ie ne me marie-

roye iames tant quil vous plairoit que ie fuisse voustre
 seruiteur Et voudries vous bien que ie fuisse def-
 honnoree Par mon ame iaymeroie plus cher estre
 mort Pour dieu fait elle taifies vous Car se ma
 dame sen apperceuoit ie feroie gastee Et a laduan-
 ture sa dame lui a fait signe quelle se tayse Lors
 il lui baille par deffouz la main vn anel ou autre
 chose Et lui dit Je vous prie que vous gardes
 cecy pour lamour de moy Certes fait elle ie ne
 le prendrai point Helas ma damoifelle ie vous en
 prie et lui met en la main et elle le prent et dit
 Je le prens pour auoir amour avec vous fans y
 penser que tout bien et honneur Lors dist la dame
 aux gentils hommes Il conuient aller demain en
 pelerinage a nostre dame de tel lieu Vraiment
 font ilz ma dame ce est trefbien dit Ilz sen vont
 soupper et toufiours mettent le galant empres la
 damoyfelle qui toufiours fait trefbien son perfon-
 nage tant et tellement quil est tout embrase et alume
 de son amour Or vient lendemain quilz montent
 a cheual et nya cheual qui porte derriere se dient
 tous fors celui du galant dont il a grant ioye car
 on luy baille la damoifelle derriere soy et lembraffe
 a cheual pour soy tenir et dieu scet fil en est bien
 aise Or se aprouche il fort de la nasse Ilz font
 leur voyage en bonne entencion dieu le scet Ilz
 retournent a lostel Quant vient apres disner la dame
 va en sa chambre et dit a la fille Or lui diz quon
 te veult marier et que tu ne le veulx pas encores
 estre Et fil se offre a toy prendre mercie len et lui
 dis que tu men parleras et quil nest au monde
 homme que tu aimes tant comme lui Puy sen vont

tous au iardin et vont iouant par les violiers et le galant dit a la fille quelque chose et elle dit Helas pour dieu ne men parlès plus ou ie laisserai vostre compagnie Vouldriez vous bien que ie perdisse mon honneur Nauez vous pas oi quon parle de me marier Par mon ame fait il ie ne vouldroie rien blamer mais il mest aduif que ie suis aussi bien a la valeur de vous faire seruice comme celui don aues oi parler Par ma foy fait elle ie vouldroye quil vous ressemblast Grant merci fait il ma damofelle vous me prises de vostre courtoisie plus que ie ne suis digne mais se il vous plait uous me feres lonneur et ien feray fort honore Grant mercis fait elle Il conuiendroit parler a ma dame et a mes amis Se ie fauoie quil leur pleust de leur en parler ie leur en parleroie Pour dieu ne dictes point que men aies parle car autant me vouldroit estre morte Non feray ie ce fait il puis en parle a la dame tant que la chose est en bon point Ilz se flacent et a laduanture les font coucher ensemble Le pource homme est en la nasse ilz font les noces sans bans car les amis de elle ont paour quil ny suruiengne aucun empeschement La nuit sen vient et saches que la dame a bien instruite et enseygnee la fille quelle donne a son mari de grans efforts et en maintes manieres comment pucelle doit faire Et lui a bien appris la dame que quant il vouldra fraucer la pieffe quelle gecte vng cop dalaine comme s'elle estoit en eau froide iusques es mamelles Et de fait la dame ioue bien son personnage Mais le pere et la mere sont bien courrouces Mais pitie et amour quilz ont en leur enfant

les fait recueillir lui et sa femme Vezcy plus grant mal qui aduient car la damoiselle aura enfant a trois ou a quatre moys Lors les ioyes du temps passe si sont tournees en tristesse Et a l'aduanture la batra et iames bon menage ne tiendront Mais non obstant il est en la nasse et neschapera point En douleurs et en gemiffemens il fera toujours et finira miserablement ses iours





LA douziefme ioye de mariage fi est quil aduient que le ieune home a tant alle et venu quil a trouue lentree de la nasse et a trouue femme telle comme il la demandoit et lui seroit de mestier quil en eust trouue vgne autre mais il ne le voudroit pour rien Car il lui semble quil est myeulx assigne que nul autre et quil fust bien heureux de la trouuer Et peut estre tel le bon homme quil est tout delibere de soy gouuerner par son conseil Et quant aucun a afaire a lui il dit Jen parleray a la dame de nostre maison Et se elle veult il fera fait Et s'elle ne veult il nen fera rien Or est il a point sil est gentil homme et le prince fait armee se la dame veult il yra Et pourra dire Mamie il faut que iaillle a larmee du roy Et elle dit Vous yres et que yres vous faire vous faire tuer et puis voz enfans seront en bon point Brief il yra sil lui plait Et aussi quant elle veult elle en deliure bien la maison Car elle lenuoira la ou il luy plaira ou en vng voyage ou elle sest voee a bien grant haste et ira le bon homme face pluye face vent Et si aduient que son ami le galant qui scet les entrees de la maison lui prengne volente de parler a elle et ne peut actendre mais sen vient de nuit et entre en sa maison ou en sa chambre pour acomplir sa volente au lieu mesmes ou le bon home couche Et quant elles voient que leurs amis prennent si grant peine elles ne les reffusent

pas tousiours plourer et se rapaise dieu mercy Et
 aduient que elle se remarie a vn autre et a tantost
 oublie son mari quelle auoit si fort ame mais main-
 tenant les plaifirs et les fouldas quelle soloit faire a
 son mari sont tous paffes et oublies Et qui la ver-
 roit contenir avec son mari dernier lon diroit quelle
 layme plus que elle ne fist oncques lautre Mais il
 aduient ainsi comme fortune le veult quil reuiet et
 est moult enuielli car il na pas tousiours este a son
 plaisir Et quant il approuche de son pais il en-
 quiert des nouuelles de sa femme et de ses enfans
 Car il a grant paour que ilz ne soient mors ou que
 ilz aient autre empeschement Et peut bien estre
 que a celle heure que le bon homme y pensoit et
 quil prioit dieu quil les gardast celui qui derniere-
 ment lauait espousee la tenoit entre ses bras Lors
 il ouit dire quelle estoit mariee Or penfes quel
 plaisir il a douyr telles nouuelles Je croy que la
 douleur de iacob et de ioseph son filz ne furent
 pas pareilles a celle douleur Et a lauanture se
 mectra en mauuais charroy et tant que le bon
 homme en aura vne douleur perpetuelle que iames
 ne oubliera Et sont aucunement les enfans ahontes
 pour le faict de leur mere Lung ne lautre ne se
 porront iames marier la vie durant et aucunefoiz
 selon que la fortune veult est vaincus et occis en
 vng champ de bataille Et mainteffois aduient que
 celui qui a droit est vaincu Et pource celui a qui
 telle chose aduient a troue le pas en la nasse de
 mariage combien quil ne lui estoit pas aduis Ainsi
 vse sa vie en douleurs ou il demourera tousiours
 et finira miserablement ses iours



a quatorziefme ioye de mariage si est quant le ieune homme a troue l'entree de la nasse et a ouue vne belle femme et ont este ensemble en ans delitz et plaifances deux ou trois ans et nont t nulle chose qui desplaife lung a lautre mais il uient ainfi que la dame va de vie a trespassement nt le ieune homme est en grant douleur plus quon pourroit penser Or est changee fortune car il a rdu toute sa ioye Et me semble que cest aussi ande douleur comme pourroit estre de toutes aul- es choses deffufdictes Ainfi vit vng pou de temps misere et en tribulacion de penfee Et se tient ut seul et fuit les compagnies Mais tout se Si uient quil y a aucuns en la ville ou au pais qui uisent quil est homme de bien et honneste et a en de quoy ilz traictent a le marier a vne autre mme qui a les condicions tout contraires a lautre a este autrefois mariee Et nest pas de celles lles ne ieunes mais est entre deux Et auise sage- ent et est vng grant temps sans monstrier sa malice ais quant congnoit sa condicion si deploye son nin Elle veult gouuerner son mari qui est ieune omme et simple Cellui qui est en ce point na que re sinon prier dieu quil lui dont bonne pascience endurer et souffrir Et quant il dit rien on lui nne maudiffons dauantaige qui est appelle vng rcrest Ainfi est recompense le bon homme Il

est en bon point iusques a laultre assise Elle res-
semble au poisson qui est en vne belle eaue Et par
la force des grans chaleurs de leste qui ont dure
tant et si longuement que leaue a perdu son cours
Et le poisson qui est dedens desire fort de trouer
leaue nouuelle Et quant les chaleurs sont passees
et que leaue nouuelle reuient le poisson y fuit Et
monte affin quil la puisse trouer pour auoir la grant
douceur dicelle et saches que il nest riens au monde
qui soit plus contraire ne plus desplaissant a vn
ieune homme que vne vielle femme Or regardes
se cest bien fait de mettre deux choses contraires
ensemble Cest comme qui enfermeroit en vng sac
vng chien et vng chat Et le ieune homme se en-
uiellira plus en sept iours quil neust fait en vng an
se le cas ne lui fust adueni En tourmens et en
gemiffemens il fera tousiours et finira miserablement
ses iours





LA quinziesme ioye de mariage si est laquelle ie
repute a la plus grant douleur qui soit sans mort
Et est quant aucun est entre en la nasse et a trouue
vne femme qui est ieune et prent des plaisirs a sa
volente Et sachiez que quant est de ses esbas elle
ne sen tiendra iames pour noise qui lui en soit faicte
et en deust elle estre tuee Et aduient que le com-
pagnon son ami vient en la maison et que le mari
le voit qui est mis en aiguet dont il enrage dyre
et dangoisse qui lui serre le cuer Si sen va tost et
entre en la chambre ou ilz font et les troue en-
semble ou bien pres Lors le pouure mary le cuide
tuer Et ainsi comme il le veult tuer la dame pour
pitie du poure homme cest assauoir du galant qui
est en grant peril vient et acourt vers son mari et
lembrasse bien fort en lui disant A pour dieu mon-
sieur gardes vous de faire vn mauuaiz cop Et sur
ce le galant desploye ses iambes et sen va Et le
mari court apres qui na pas loysir de tuer sa femme
et ainsi le compagnon eschappe Or fault il scauoir
que la femme est deuenue Elle sen estallee cheux
sa mere La poure femme compte tout a sa mere
mais elle lui dist le galant est entre leans a laduan-
ture et que oncques ny auoit entre que celle fois
Et sa mere lui demande Et quel dyable auoit il a faire
a toi Par dieu ma dame il mauoit parle deux ou
trois fois de cela Et ie lui auoie refuse et dist quil


fen allaft Lors elle iure vng grant ferment quelle
aymeroit mieulx quil fust pendu ou a lauanture lui
confesse toute la verite Et la dame qui fcet asses
de vielle dance dit Certes ie me doubte quil y ait
aucune chose Lors la fille baiffe le visage et ron-
gift Ha ce fait la dame ie congnoys bien que cest
Dy le moy hardiement Par ma foy madame il ma
prieé plus de deux ans et mestoie tousiours bien
deffendue iusques a vne fois quil entra en nostre
maison et messorca Et par mon ame ie me deffendi
plus dune grosse demie heure Haa de par tous les
diabls fait la dame ie le fauoie bien Or ne fait
rien qui ne fait plus fort gouerne toy bien et garde
que le garson ne viengne plus en ta maison Et vraie-
ment ie suis bien esbahie que ton mari ne le tua
Aue maria fait la fille ma dame se ie neusse embrasse
mon mari le poure galant estoit mort Tu fis que
fage de len garder Helas ma dame se vous sauiez
quel homme cest que du galant Vraiment iay veu
que puis que il plouuoit quil sen venoit tout a pie
affin quil ne fust veu et atendoit a nostre iardin
bien vne heure ou plus de demie la nuyt Or auant
il y fault mettre remede qui pourra Sa fait la dame
a sa chamberiere Va dire a mes commeres telle et
telle que ie leur prie quelles se viengnent esbatre
auec moy et que iay vn pou afaire delles Lors les
commeres sen viennent a lostel de la dame Et fas-
sient au plus beau du feu et les premieres choses
quilz font sans dire pater ne aue maria elle boient
du meilleur en actendant que lautre amende et dieu
fcet felles font bon guet deuers matin pour corner
anglois de quinze lieues Lors vgne des commeres dist


a la mere de la fille Ma commere fait elle quelle chere
fait vostre fille Par dieu fait elle ma comere il lui est
aduenu vng bixeste pour quoy ie vous ay enuoie querir
Lors el compte comment il est aduenu Et lors les
commeres dient comment il leur en est pris en sem-
blable cas et dient bien et fust ores vng president
et dieu scet felles feroient bien propres a faire vng
grant tourbe et comme ilz alegueroient les stilles
et coustumes du pais De fait elles en auoient vse
fans le reuoquer en doubte Les vnes alleguent les
autres replicquent et respondent pour sauoir l'en-
tencion et lesclande qui est aduenus et aussi pour re-
parer la chose et remectre en son premier estat Et
apres tous argumens et responces elles font leur
conclusion a lencontre du bon homme Et ainsi
elles y mectront bone prouision se dieu plait Et
fassembleront souuant et se tiendront bien aise mais
le bon homme a qui la vilennie a este faicte paiera
tout Ainsi procederont a lencontre du bon homme
Et ainsi le bon homme est en la nasse de quoy il se
repent mais il nest pas temps Ainsi viura en lan-
guissant tousiours et finira miserablement ses iours


Cy finist ce present liure qui est dit les quinze
ioyes de mariage




Imprimé par Breitkopf & Härtel, Leipzig.






















THE UNIVERSITY OF MICHIGAN

DATE DUE

~~AUG 31 2000~~

NOV 28 2001

BOUND

JUN 27 1934

UNIV. OF MICH.
LIBRARY

UNIVERSITY OF MICHIGAN



3 9015 03340 2739

the 1990s, the number of people with a mental health problem has increased by 50% (Mental Health Foundation 1999).

There is a growing awareness of the need to address the needs of people with mental health problems, and a number of initiatives have been developed to improve the lives of people with mental health problems. The Mental Health Act 1983 was amended in 1995 to give people with mental health problems more control over their own lives. The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives.

The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives.

The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives.

The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives.

The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives.

The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives.

The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives. The Mental Health Act 1995 was introduced to give people with mental health problems more control over their own lives.